

劉

禮

部

集

劉禮部集卷七

詩聲衍序

劉子成詩聲衍條例一卷表一卷長編二十六卷序曰
譚聲音之學於今日三百篇其主也羣經傳記周秦諸
子之書其輔也三百篇其原也說文諧聲其委也孫叔
然李登呂靜徐邈之倫諧聲之變而言韻之始也沈約
周彥倫陸法言之流部韻之始準于古而變通以趨時
者也至劉平水黃公紹之徒出去古日遠師心變更而
言韻學者與古判若河漢詩三百篇及他經傳諸子之
書殆不可讀矣天運循環無往不復有明三山陳第椎
輪於前我朝顧江段孔莊張諸君子相繼發軔于後

幾可以行遠登高而三代之聲音如在天上者乃如接于耳而應于心也然則詩聲衍何爲而作乎曰將以推諸君子未竟之志析其義類考其離合集其大成以歸聲統六書之綱也其建類始冬終甲何也曰冬者歲之終而音之元也三百篇此部之字始于采芩二章之中宮切韻以此部字誤并東部者亦始于中宮太元準卦氣以中當中孚首曰陽氣潛萌于黃宮信無不在其中此卽歸藏首坤周易首乾而乾元用九之義律中黃鐘之音也次以東何也曰冬之音寬闕而字少故其部無上聲入聲東之音峻上故上聲之字悉隸之又音近蕭魚故有一類與蕭愚同入屋覺而不通用其與冬部通

用最近故次之次以蒸何也曰蒸者冬之次近者也其部亦無上聲入聲故徵之上爲宮徵之徵登之上爲等待之等仍之上爲鼎鼐之鼐古今皆在灰部切韻亦以職德配之哈不以配蒸登也侵鹽有入矣次于蒸何也曰侵亦冬之至近者也鹽則雙聲近陽故分于侵而同入于緝不以緝次之何也曰緝部之字反紐至侵鹽鹽者較少古詩小戎二章或以爲通用或以爲不通用孔氏以古無入聲猶獨立此部爲談聲之短言王氏以此部並無去聲

今按厭具四聲近有平聲近爲上聲墊豔有去聲說亦未的

故以殿眾

音也陽次鹽何也曰音相近而不相淆也青次陽何也曰青陽之分在古尤嚴于青真自許敬宗劉淵吳棫誤

合切韻之庚耕而古音大亂今吳中方言于陽聲誤并

青聲之字

庚更行兄橫衛航迎冀航旨彭倫鎗鏞榜
鷓鴣黃鐘堂杏孟櫻櫻稷阮祊瞠張鑽猶

上與古合其誤始于莊子胠篋篇衡爭爲韻而羣經諸子無是也故以青次陽猶淄澠之旣入而知味者自能別也真次青何也曰古周易屈宋之文合用之廣較甚于東冬也別之以文何也曰真清而文濁猶冬濁而東清也次以元何也曰真文近微齊而無入聲元近歌而反紐於微齊同在未物詩亦不合用也支佳聲近歌麻而反紐獨爲錫故分錫于支而歌麻古無入聲字由支分入歌麻之數十字母

皮爲離施儀宜移音
罷垂吹隨池馳垂

古今亦皆

無入聲旣分皮爲以下入歌必次錫于其間以別之也

灰尤聲近蕭也

尤古音怡今吳方言尚合
蕭古音修今音變爲肴豪

而灰類之反

紐獨爲職德蕭類與愚類之反紐同爲屋故次職於灰

蕭之間次屋於蕭類之後以別之使人觀其委之異而

益知其源之分也愚類與蕭魚聲相類清于魚而濁于

蕭

孔云今湖廣
音最得其似

故其入聲與蕭類同在屋類而魚類之

入聲獨爲陌不以肴類次蕭何也曰存古音也別藥于

肴何也

段氏孔氏據此
部謂古無入聲

曰以適今也亦以證古蕭之入

與肴之入不相假也微尾未物四聲通轉之最明者也

分爲二何也曰段孔以古無四聲而不能廢輕清重濁

之別長短緩急之辨王莊細審古音確知微尾爲一類

未物自爲一類古詩不相通用故分之以志輕重清濁

之別次之以別于支與灰之委也次以質何也曰顧江
孔莊俱以質物同合微部段氏知其不可合而分之以
合真部其意以爲古無以委聲爲建首而不統于平部
者王氏細審古音以爲質部與未部各有去入而無平
上故於未物之外別爲一類而仍次于未物猶附庸之
君與大國命卿同爲社稷之臣而名實不同也終之以
緝何也曰切韻以緝盍以下九部配侵鹽以下九部審
音之最得者矣段氏本之分緝盍爲二孔氏并爲合類
以爲談類之陰聲別以肴類爲青類之陰聲使侵鹽二
部如異類之不同入不可也王氏分緝盍爲二而絕不
以配侵鹽亦未爲得也今仍合之以爲侵鹽同入之部

表其中內立竒盜孰籥葉聲之字以爲未部雙聲相通而與質部絕遠此所以于諸家而外酌古沿今定爲二十六部者也其列字終于甲何也曰甲于古文從入從△或同十字甲象萬物之首內甲卽乾元用九之義也厭字旣著于侵重隸于緝以箸反紐在侵侵最近冬亦切韻始東終乏循環無端之例也曰若是則取毛詩所用字爲表足矣今臚說文五百四十部之字又補所不收之廣韻諸字竝其解說十餘萬言又細攷其音轉之不合古詩者疏通而證明之何也曰將以一八之勞省衆人之逸俾承學之士爲樂府協律之事者童而習之皆可絃歌以合韶武之音且俾爲小學者無以復加庶

得潛心於大義也然而其志大其思深前人之啟子者
逝不可追矣將伯助子實難其人董而理之跂子望之

詩聲行條例二十有

一則

一論古有四聲辨孔氏古無入聲之誤○齊書陸厥傳
永明末盛爲文章吳興沈約陳郡謝朓琅琊王融以氣
類相推轂汝南周彥倫善識聲韻約等又皆用宮商以
平上去入爲四聲以此制韻不可增減世呼爲永明體
梁周捨舉天子聖哲以曉武帝帝雅不信用沈約作郊
居賦以示王筠讀至雌霓連蜷句常恐筠呼霓爲倪孔
氏據此遂謂入聲創自江右非中原舊讀江左文人尚
有不知入聲者豈可執以律三代之文章又云入聲自
緝合等閉口音外悉當分隸平部非也梁武特不尚永
明體耳非不知入聲也今試取三百篇讀之惟緝合部

轉有與駢念同協者小戎二章是也

孔改顧氏之說以中駢合韻合轉邑

合韻期之爲韻而念字不入韻非篤論也

若冬東蒸陽青眞文元歌九部之

字微特詩三百篇本無入聲於說文偏旁字亦無入聲

雖沈約等好變古趨新亦不能強屋沃配東冬以他部

之入配此九部也若侵鹽灰蕭魚愚微七部於說文偏

旁字本有入聲而毛詩以平入通韻者絕少

灰部以上去通韻者

子衿渭陽之佩采薇林杜大東之疾嘉魚賓筵之又我將之右十月之交之矣召園之舊數字而已其用上而去通平韻者文王生民既醉蕩之時桑柔之能召園之哉三字而已其用入也出車大東靈臺常武之來古讀如勅非韻平也鳩部與入通韻者中國有雍之淑清人之軸唐揚水之鵠三字而已其用入也各部之字無襍平韻者雖中原舊讀不能轉爲平也魚部與入通韻者惡莫度作穀本有去入兩聲非始于六代也愚部之入雖同蕭部然惟小戎之駸桑柔之拏角弓之附三見微部雖與未部同聲而詩之用平也不襍去入用去入也

不雜一平可知
四聲之緣起矣
則謂古無入聲者亦析之未精矣

二論長言短言重讀輕讀辨段氏古無去聲之誤○公羊春秋云春秋伐者爲客伐者爲主何休解詁伐人者爲客讀伐長言之見伐者爲主讀伐短言之齊人語也淮南子云輕土多利重土多遲清水音小濁水音大此一字有兩聲三聲四聲之說也按何氏讀伐長言之今所謂去聲也讀伐短言之今所謂入聲也第今韻所謂去聲者卽去之一字而唐羔裘左氏蠱繇辭以韻平則標名已戾於古段氏因謂古無去聲則又未免舉一而廢百蓋去之與上正如平聲之有陰陽以耦相從廢之則上聲類孤於平上轉入之音理隔矣考魚部之入古

可由去而轉平未部質部之入長言之至去而止檢偏
旁諧聲字惟貴比次利毆數字可以轉而之微部其餘
則不能也段於魚部去入聲之字以兩無正之夜夕惡
皆爲平聲于未部之字皆以爲入聲無乃窒于今而仍
戾于古乎

三論古上去之別辨段氏不分東冬爲二部孔氏分之
未細○論上去於聲之輕重清濁微而顯者也未部質
部之字不與平韻卽不與上韻矣孔分東冬爲二類識
過於段其冬類闌入戎農二字宜入東部檢三百篇及
周易論語老莊屈宋太元之文冬部字雖至少而合韻
東部者蓋寡合蒸侵者爲多

近見嚴可均說文聲類并冬于侵則非也長門

賦冬侵合用至十六字曾不闌入東部吟域知切韻冬
爲都宗切其聲寬闊東爲德紅切其聲峻上蓋有所受
之也詩用東部檢說文偏旁則通董腫等部其用冬部
則惟擊鼓二章與仲宋爲韻其用蒸部則俱乎聲檢二
部偏旁亦無上聲此古上去之界最爲著明者也

四論入聲分部○段氏以異平同入爲合韻之樞紐其
義極精如東愚陽魚蒸之耕支眞脂元未灰以同入通
合者無論矣侵與灰不近也而侵之入緝與灰之入職
則相近故急入可協飭服國式六月思齊支與魚不近也而
魚之入在昔支之入在錫故釋可協積擊策適狄亦聲錫韻
可協鬻掃哲帝以此類推同入通合之理可得其大槩

矣

五論正紐反紐○張皋文合韻表五篇其四曰同入四聲有正紐反紐正紐者自平之入反紐者自入之平凡入聲字反紐爲韻正紐不爲韻如灰之入爲職蒸之入亦爲職愚之入亦爲職皆正紐也就職發聲呼而平之則職之平爲灰故職不韻蒸與愚也又如魚之入爲玉鬪之入亦爲玉牛之入亦爲玉牙之入亦爲玉皆正紐也就玉發聲呼而平之則玉之平爲魚故玉不韻鬪牛牙也

按屋部爲東愚蕭三部同入東部雖有容从谷聲豕从豕聲竦从束聲充从冑聲散从肯聲確之或體爲積周官注據讀如弄諸證然必聲轉入蕭愚二部而後入屋部古東部無平入同用也

蓋入聲

古所謂短言短言不成永歌必引而長之正紐者聲之

收反紐者聲之引也

冬部無入聲 東部之入在蕭韻 二部 蒸部之入在灰部 侵部

之入爲緝部

盟部之入在魚韻

陽部之入在魚

部亦在緝部

青眞二部之入在微部

文部之入在

未部亦在微部

元部之入在未部

微部之入在未

部亦在緝部

緝部反紐近未部

歌部之入在支部

亦在魚部

灰部之入在本部

蕭部之入在本部亦

在灰部

肴部之入在本部

愚部之入在蕭部亦在

本部

魚部之入在本部亦在愚部

諸部聲从灰蕭

魚部來者不拘同入其他如青部聲入微青之入在微

也眞部聲入微眞之入亦微也微部聲入支微文之入

同在祭也祭部聲入緝緝反紐在未也歌部聲入文眞

青部聲入歌青眞文三部之入同在微歌之

入亦在微也及他合韻以四聲反正紐推之

六論宋元韻書之妄并廣韻之誤。陸灑言切韻分部

二百有六今廣韻其舊目也封演聞見記云文士苦其

苛細許敬宗等詳議以其韻窄奏合而用之南宋劉淵

新刊禮部韻畧徑併所注同用之韻爲一韻爲部百有

七其大誤者如支脂之并爲一不知古劃然三部也元

魂痕三部并爲一不知古元部宜下合寒桓魂痕宜上

合文欣也

上聲阮混很同用去聲願恩恨同用皆誤

先仙并爲一不知古先

音如詵宜上合魂痕文欣仙宜上合刪山也蕭肴并爲

一肴豪均注獨用不知蕭古音修宜注獨用宵肴豪宜

注合用也庚耕清并爲一不知庚之古今音皆同陽唐

宜上合陽唐耕清宜下合青也

上聲梗耿靜同用去聲映諍勁同用皆誤

注獨用覃談注同用不知覃古音同覃宜上合侵談下

合鹽也入聲之棼亂蓋茫無畔岸矣劉淵又并證澄入

徑爲許敬宗等所未議及元陰時夫遂并拯等入迥則

青蒸之上去盡紊宋鄭庠始考求古音分爲六類失之

大濫明陳季立毛詩古音考析之未精崑山顧氏分爲十部各以入聲分配之稍稍完密婺源江氏分爲十三金壇段氏分十七曲阜孔氏分十八武進莊氏張氏分二十高郵王氏分二十二益密矣今采諸家之書更正廣韻標目仿陸法言之意如支脂之三韻分之以存古類之以適今江韻之分以東鍾之音將轉入陽也庚韻之分以陽唐之音將轉入耕青也尤侯幽之分以尤爲古之哈灰韻將轉入蕭侯爲古虞音將轉入蕭幽也今分二十六部爲長編二十六卷其注字則以說文爲本兼采爾雅釋名經籍訓詁等書以博其義庶幾長孫訥言所謂酌古沿今無以復加者焉

七論不可以合韻而濫全韻之部分○毛詩用韻界畫

甚嚴其中間有出入古韻家以合音目之當代方音容

有異讀

此顧氏
亭林說

太史采得之時其不協中聲者必或文

之以足其辭或節之以足其志若乃和之詠歌而順調

之宮徵而諧則仍之而不改不必如後世綴文之士專

事於一字一韻以求免聲病也近日考古家每泥一字

之合以潰其全韻之津涯如見小戎中與驂韻則指以

爲侵中通見碩人倩與盼韻則指以爲青先通見文王

之躬與天韻思齋之入與式韻則又指以爲冬真職緝

通甚至指古書異體重文及漢儒說經改讀之字據以

爲每部與每部通之堅証是猶執卷石以盡泰山之高

挹勺水以盡江海之多匪惟泥古亦豈能適今今既別古韻部居爲二十六部長編每卷後列合韻若干字使用古韻家知其分之不可亂則知其合之不可苟矣此條

陳潮依
例目補

八論詩以雙聲合韻○小雅谷風三章以鬼婁怨爲韻

顧氏以末二句無韻非也委本從禾聲歌元二類聲相

近廣韻澆字在三十九過是也且委宛二字爲雙聲故

萎與怨韻萎怨亦雙聲也詩雖不多見而可徵用韻變通無所

不有矣以下陳潮補今詳引毛詩若干條以衍之君子偕老

以翟韻鬢角弓以裕韻痡桑柔以垢韻穀以寇韻可楚

茨以告韻戒賓筵以奏韻祖車攻以調韻同桑扈以那

韻難皇矣以馮韻侮

侮古音如茂

大田以騰韻賊

賊古音見如特

見

于他書者如易剝卦以用韻尤屯卦以禽韻窮大戴禮

投壺篇以士韻從月令以騰韻同屈子天問以龍韻游

游本旌旗之旂字古音當如流或倒轉作龍蚪爲韻按周秦人無倒轉用韻者諸類今以聲求

之皆相比不亂又有聲不甚相比而其音可類從者如

桑扈以敖韻求桑柔以瞻韻相小園以撫韻謀常武以

士韻祖六月以鬪韻公并韻躬蕩以謀韻終禮記孔子

閒居以神韻先屈子遠游以冰韻門或與上句韻相引

者縮讀從上或與下句韻相引者順讀趣下皆宛轉相

協若出天然明乎此而廣推其類則無惑乎合韻之說

矣

九論詩以轉注爲韻○械樸追琢其章有客敦琢其旅
行葦敦彼行葦敦弓旣堅釋文敦追皆有雕訓皆有追
音北門敦與遺韻周官司几筵鄭注敦讀爲肅則敦本
有追雕圓數音也小圓是用不集傳集就也王應麟詩
攷序言朱子从韓詩作是用不就今本仍作集集有就
訓則與猶咎道韻兩無正荅與退韻新序漢書引作對
荅有對訓則與退韻六月我是用急詩本音以急字非
韻鹽鐵論引作我是用戒當从之孔氏引呂氏春秋爾
雅釋訓證急字入職韻者不獨此詩有之經始勿亟之
亟獫狁孔棘之棘義皆爲急檀弓夫子之病革矣注革
急也革棘亟急四字可以轉相訓故亦可轉爲音不必

改作戒也常棣之飫卽軀醜同訓大田二章去其螟螣

螘本朕聲不與賊韻說文引詩作去其螟螣則同韻矣

詩釋文螘本亦作蚤螘卽蚤字亦方言訓故也

詳各部合前下

十論毛詩以假借爲韻○毛詩用韻錯綜變化整齊疏

密人巧天工江氏孔氏析之精矣更有借韻之例則吾

友莊君卿珊讀書得閒而發前人所未發者也鄭風褰

裳涉溱之溱說文水部澮水出鄭國从水曾聲詩曰澮

與洧方渙渙兮溱水出桂陽臨武入滙从水秦聲是溱

當作澮曾與人不同部詩則借溱以韻之小雅我馬維

駒之駒說文馬部馬高六尺爲駒从馬喬聲詩曰我馬

維駒一曰野馬株林棄我棄駒傳大夫棄駒箋馬六尺

以下曰駒是駒當作驕喬與株濡誼不同部詩則借駒以韻之愚因推之素衣朱繡傳繡繡也箋云繡當爲綃魯詩作朱綃儀禮作宵肖聲在肴部蕭聲在蕭部詩則借繡以韻皓鶴憂也車攻助我舉柴本當作積積在支部不與伙韻詩則借掌以韻之左氏春秋引常棣外禦其侮今毛詩作務箋本爾雅務侮也蓋務聲同霰霰洪範作蒙聲相近故以韻戎亦借韻也戚施引作醜醜爾聲在微部詩則借施以韻離夬央秣摧之摧依周官作芻則在愚部依說文作莖則在歌部詩則借摧以韻綏敦弓旣句本字當爲設設在蕭部詩則借句以韻鏃小東熊羆是裘本當作求箋云聲相近非也求在蕭部裘

在灰部詩故借裘以韻試皆其例也

十一論反切之始先於讀如讀若○如蒺藜爲茨之焉
爲旃者歟爲諸奈何爲那終葵爲椎邾婁爲鄒之類可
以濟讀如讀若之窮然有反切所不能傳如說文口部
唉訓膺也欠部欸訓皆也玉篇訓恚聲唐韻並烏開切
以今方音考之則訓膺之唉必短言之始尙訓皆之欸
必長言之始尙蓋反切第能傳其音長言短言兼能傳
音之形容今人專用反切而不用漢人舊例於音理疏
矣

此條陳潮
依例目補

十二論漢人說經改字多從雙聲疊韻求義○攷之諸
經除字形近而譌音近而譌外無非雙聲疊韻者其例

莫備于周禮考工一冊如杜子春讀弧汗之弧爲汗

釋文

汗音紆

讀左不槌之槌爲蹇讀通四方之珍異以資之之

資爲齋讀權崇之權爲較讀置槩以縣之槩爲杙鄭司

農讀燕無廬之廬爲纒旣建而述爲倚移之移讀掣爾

而織之掣爲桑螟蛸之蛸讀菑蚤之菑爲戠讀欲其眼

也之眼爲限讀雖敝不斂之斂爲秬讀弗之謙也之謙

爲黏讀鞬圍之鞬爲綴

綴古音如對之入

讀艘其牛後之艘爲

猶斡欲頌典之頌爲懇典爲殄讀重三錡之錡爲刷讀

欲其窓也之窓爲苑彼北林之苑

釋文或云鄭司農音鬱

讀以博

爲棧之棧爲翦讀上公用龍之龍爲龐讀髻墜薛暴之

暴爲剝讀數目捰脰之捰爲鬣

苦顏切

讀句兵欲無但之

但爲彈丸之彈

去聲

讀凡行奠水之奠爲停讀斲目必茶

之茶爲舒讀欲孰於火而無朕之朕從燿後鄭讀函鮑

之鮑爲鞫讀侈則柞之柞爲咋讀犀甲七屬之屬爲注

水屬不理孫之屬亦同

讀以其笱厚之笱爲橐讀紕而昔之昔

爲錯讀凡櫛之類不能方之櫛爲臚皆由雙聲疊韻變

通以盡其類他如鄭氏定拾級聚足之拾爲涉定檀弓

之填池爲奠徹易豫卦朋盍簪京房作摯馬融作臧荀

作宗

是謂雙聲

公羊桓十二年之馭蛇左氏作曲池

是謂雙聲字

義絕不相入而以聲類求之則無不可通

審雙聲必嚴而後得聲的

也說經如此類者難以疏舉必究乎此而後可以得古

音之合乃可以知古韻之分

此條陳澧依例目補

十三論一字有輕重緩急數讀不必分爲二部。攷一字分收數部其誤蓋始於葛洪字苑一字或三聲四聲幾至於不可分如治治上上下下皆分動靜然君君臣臣父父子子不可得而分也則其說固不盡一矣考今韻惡字凡具四聲而屈子賦好蔽美而偶惡與上導言不固爲韻孰云察予之善惡與上爾何懷乎故字爲韻是美惡與好惡同讀矣好具二音而釋文與春秋經凡修好字皆呼報反是上去不別矣厭具四聲而春秋傳屬厭而已釋文於鹽反又於豔反是平去義不別也考厭字說文凡三字馱訓飽也壓訓壞也厭訓箝也義雖別而音則同大抵此類之字急讀則爲入緩讀則可平

可去不必分隸諸部也

此條陳潮
依例目補

十四論有同得聲字分收各部者○形彛開麗研妍汧

同从开聲形彛在青部開麗研妍汧在元部 員昌韋

同从口聲口韋在脂部員收文部昌收元部 喬嵩喬

同从肉聲肉喬嵩在末部嵩收支部

遑惠虫

潮按虫
非少聲

辨見
韻表

妻昌同从屮聲屮讀若徹收質部虫讀若騁收耕

部妻

婦从女持帚妻亦从女又持
屮屮艸也當是會意屮非聲

在脂部昌在末部走

在緝部虫在元部 日失兀同从乙聲日在末部失在

質部兀收支部 弟叟厖系厥厄辰延同从厂聲厖厥

在支部弟在脂部系厂叟收未部厄

厄五果切
俗音如兀

收歌部

辰延收元部 襄巢同从罪聲襄在脂部巢在文部罪

在末部

平廣韻在合韻徐錯
从聿省聲連在末韻

十五論有與所以得聲字不同部者○充从育省聲育

在屋部充在東部

農从凶聲

凶重文作脾
息糾从凶聲

凶在末部

農在東部

徐錯云農
當从凶聲

參从彡聲彡在眞部參收侵部

潮按參非彡
聲辨見前表

習从囟聲囟在末部習在緝部

肄部之
藝古文

習

葉从世聲世在末部葉在緝部

徐鉉說葉从市聲
潮按世世異聲辨

見前
表

叡从古聲叡在鹽部古在魚部

曾从囟聲囟

古文囟在東部曾收蒸部

古文曾从
鼎會意

朋古文鳳鳳從

凡聲在侵部朋收蒸部

裘古文作求

今分
二義

裘在灰部

求在蕭部

雍从瘡省聲瘡在侵部雍在蒸部

古文雍
从隹象

飛揚之形
不从广也

競从丰聲丰在末部競在蒸部

韻會引說
文競从辨

聲六書故引唐本轉爲卑之古文豐
蕞竝从得聲卑豐在東部蕞收蒸部

杏从可省聲可

在歌部杏在陽部

六書故引唐本从口
林早說杏以啞省聲

贏从贏聲贏

在歌部贏贏在青部

潮按贏非贏聲
聲辨見韻表

允从吕聲欬从

來聲存从才聲吕來才在之部允欬存在真文部 鸚

从莖聲虔从文聲蒸文在支部鸚虔在元部 元从兀

聲莧从苜聲美从八聲兀首在未部八在質部元莧在

元部美在脂部

憲从害聲叡从少聲

从夕亦
可會意

害少在

未部憲叡在元部

祿从每聲譽从肉聲每在灰部肉

在未部祿譽在元部

古文邇
作衮

曼从冒聲冒在蕭部曼

在元部

虜从虜聲

六書故引唐本
虜从虜省聲

虜在魚部虜在元

部 必从弋聲弋在之部必在質部

吳氏鼎臣云必當
从八聲必八雙聲

今說文从弋聲者轉寫之誤

戠从呈聲呈在耕部戠在質部 戠

从辛聲辛在眞部戠在脂部 蓋从益聲益在緝部蓋

在未部

兌从合聲

兌爲口从八从口會意八分也

舌从干聲

从口从干亦會

意

合干在元部兌舌在未部

截从雀聲雀在肴部截

在未部

卓从甲聲

徐鉉从甲會意

甲在緝部卓在支部

斯

从其聲其在灰部斯在支部

虜虜从虜聲虜在魚部

虜虜在歌部

疑从彐

古文

聲息从自聲疑息在灰部

矢自在微部

匿从艸聲若在魚部匿在之部

潮按匿非若聲

辨見韵表

彘从彘聲彘从立聲彘立

與从彘聲彘在元部與在蕭部

衰从采聲采在微

部衰在蕭部

潮按段注謂說文从衣采聲聲衍字衣之有衰猶禾之有采故曰从衣采

衰

从畜聲畜在灰部夏在蕭部 各从肉聲畜在肴部肉

在蕭部 句从口聲口在蕭部句在愚部 軌从臺聲

聲不近當是會意

臺在文部軌在蕭部

魯从鹿省聲

魯从魚聲从魯

聲之櫓舊或俱作鹵可知魯音同鹵古文友卽旅字旅又通呂不必从羞省也

籒在歌部魯

在魚部 奕需同从而聲奕在元部需在愚部而在灰

部尋彤彭同从彡聲彤彡尋在侵部彭在陽部

十六論有字可兩讀應兼收二部者○說文丨部丨字

注云丨引而上行讀若凶引而下行讀若選據此知古

本有一字二音宜兼收二部者讀若凶在灰部讀若選

在未部

因讀若禪

說文三年導服之導卽禪聲之轉

又讀若沾又讀

若誓

誓彌苗肄部禪沾侵部

應兼收侵未二部

拜說文得聲字

有在青部者有在元部者宜兼收青元二部 自說文
又讀若香段氏云本音當在緝故鷓从自聲鄉亦从自
聲應兼收陽緝二部 敦古音如追亦如團見毛詩當
兼收元微二部 內本音在末部奴對切古亦用爲出
內字今段納爲之出內之義則爲奴荅切詩小戎軛从
內聲與合韻是古音本有奴對奴荅二音應兼收未緝

二部 此類甚多
詳見韻表

十七論有字可兩讀應專收一部者○身收微隱二韻
而般从身聲古在文部 番收元戈二韻而从番聲之
字古皆在元部 容古文滂或作濬獻古文膚籀文𦉰
二字義既相通 容从谷从宀深通川也𦉰从
叔从目从谷省深明也通也 音亦當近

故璿从審聲古文作璿籀文作璿可見審答二字古本

相通應專收文部

此類甚多詳見韻表

十八論有从偏旁省聲形近而譌者○恬从舌非聲恬

恬銛恬竝可从恬省聲收談部

今惟恬字从恬省聲餘俱作舌聲○益韻之恬

从犬从舌會意非聲○潮按鄭注周禮酒人云若今恬

酒矣恬止作恬是恬亦後人俗字孱入說文者从之省

聲非也辨見韻表 劫从去非聲規冥鉉怯怯可从劫省聲收

緝部 隸从眾

或从隶省會意

非聲鰥可以隸省聲收文部

此類

十九論有得聲之字形近互譌應改正者○萬萬二字

篆文相近惟从貝之購萬聲應收元部餘如講稿勸噉

厲厲適从董聲噉適厲从螭聲漚瀦从厲聲今俱誤作

萬聲應改正收未部

媿

媿子媿疾也从女兔

也从子

兔生子齊均也从女从兔聲

三字同讀緣兔生子疾故生

子兔身字从兔假借作寬兔

省作兔

字生子齊均之兔及

他从兔聲字竝應从兔省聲收元部

飢

从人食聲

餽飭節竝應从飢聲

今作从人食聲

收職部

蔽从敝聲敝从

敝省聲贖或作聲今說文無敝字徐鉉說取字之省當

是取字之省

姚氏據玉篇敝太息也謂郎喟噴重文但取字義不可解

染裴光遠

說从木所以染九染之數也

今作染聲說文無染字

二十論有得聲字應从說文偏旁補入者○稀徐錯說

从攴稀疏之義巾象禾之根莖菡晞等字皆从稀省聲

姚氏據周官釋文虞書鄭注以爲希卽古文菡晞字應

補 辨从舟从舛闕併辨 辨並从舛聲今玉篇有舛字

火種也讀若併 選籍文作 避併聲 从斗持火會意舛字應補

牀徐錯說从木从尸省 尸倚也人有疾 病象倚著之形 象有所倚著會

意牆牀之屬並从牀省聲今說文凡从月字皆作月聲

脫月 五經文字有月字音同牆 類篇增 片字後 月字應補 片从 半木

月亦从半木鍾鼎有鼎字莊以爲古 文藏字會意如正可止出巴巧之類

二十一論所收說文字其音義並同者可作重文或體

○牛部犗將並云牛白鬐也 虎部號號並云虎兒

口部叫嘑也言部訃大呼也此二部字多通可推廣併

省之 噉警 叱譎 砥詆 訾訾 呶訶 嚶嚶

哂詆 噉讀 味啄喙 哂詆 口部呼嘑並載又言

部評諄復出四字可併 口部吹龠部齧 口部咏龠

部齧 听口忻心訢言欣欠部四字可併 口部髑口戾

不正也立部孺不正也女部媯古文媯又尸部孺口髑

也 卷五久部干跨步也从反久辭从此此古孺字 自閫俱訓開聲又同 走

部遯過也心部愆過也重文窻籀文益龠字可併 遯數

也支部敗毀也可併 述籀述行部術可併 返彼反

三字可併 遲重文遲籀文遲才部遲可併 逵銜率三

支可併 帥悅二文可併 遜絲可併 逮隸隸俱訓

及 毋貫遺擯四字可併 迺弔 逞徑 彳部彳行

平易也卽夷字 鶴傷俱訓使 徯詈 止部踵足部

踵 凡从足之字或从止故跟或跟距卽距 龠部龠樂和龠也言部諧詒

也口部階鳥鳴聲 絲卽丹朱 飄卽涼字 伯蘇作

百鰈 夷羿作彗 契作倅又作禹 有莘作姪 姜

原作嬭 陳亢作伉 竺篤俱訓厚 諛古文頗 得

昇重見 彳部見部吹重見 口部欠部歛歛字重見

同 曆日月合宿爲辰 櫨注引呂氏春秋櫨櫨夏孰

圓員圓 梅棣某古文縹 櫨櫨同引易重門擊柝

衣部褻引詩褻袷袷下引詩繼袷 曾層重收 百

首一字二部 鬲彌 自凶 大介 俱可併 日部

的引易爲的頰馬部馱引作馱頰 木部栝引詩桃之

栝栝女部媿下引作媿 衣部袷引詩靜女其袷女部

媿下引作媿 手部擊引詩赤鳥擊擊已部登下引作

己巳 習部翫下引春秋傳翫歲而惕日心部引作恍
歲而澌日 鬣部鬣重文夔下引書鳥獸夔毛毛部引
作鳥獸碑髦 彘部述下引書笏述屨功人部倂下引
作方鳩倂功 水部涇下引詩江有涇汜下引作汜
艸部難字火部重出 愷心部豈部重出 孳尹部心
部重出 蛾虫部虺部重出 蝥虫部蟲部重文重出
塗水部土部重出 敷支部土部重出 椶木部金
部重出 輟車部罔部重出 涇口部水部重出 惹
心部口部重出 踞足部尸部重出 敖放部出部重
出 吁口部于部重出 否口部不部重出 谷口部
水部重出 鞞革部鼓部重出 劓畫部刀部重出

刺支部刀部重出 歡喜部欠部重出 閑木部門部
重出 恁心部食部重出 坐之部土部重出 院宀
部阜部重出 擘手部韋部重出 示人部子部重出
帛豕部亥部重出 鹵爲部首又見土部豕爲部首
又見豕部𠂔爲部首又見手部他如巢車之巢加車旁
芻莖養牛之芻加牛旁畜產之產加牛旁燒柴焚燎之
柴別爲示瑟彼玉瓚之瑟旁加玉葛藟縈之縈別作藥
百穀艸木麗乎土之麗別加艸大抵多漢世俗字或轉
寫校改者增加故後叙言重文一千一百六十三以今
本悉數之轉于原數有增也

古今四聲通轉畧例

自元陰時夫兄弟輯韻府羣玉一書寶康瓠者率家
置一編矣今應制作詩宜遵功令其他作五七言律
詩雖不能不拘四聲之例而唐韻如東鍾同用魚虞
模同用真文魂痕同用元寒刪山同用唐人多不拘
守一部

湖按唐人自程試外雖近體詩多不拘通轉舊例河間紀昀屢言之

蓋古今

不變之音而六朝人強爲分析至一字本止一義亦
必強分三聲四聲以足每部之數遂有一字而分收
數部者又唐韻多有同部同訓而重複未刪者無惑
乎字數日孳而故訓日微也今述詩聲衍一書以存
古字古音世之法古者可爲準則猶學漢魏詩文不

能用唐宋事實作古文篆籀不能用隸楷字體也述
古今四聲通轉畧例一篇以誌由古入今由今返古
之轍世之法六朝唐宋文者亦可按圖而索猶作通
俗文字不能用周漢古訓作隸楷行草不能用古文
篆籀字體也合兩書以通其變庶乎準古宜今一存
中土之舊不爲華嚴字母娑羅門書所淆惑矣

冬弟一

冬

古無

宋

無

東

分江分

送

分絳分

東弟二

東

董

送

音轉入屋古不同用

冬分江分

腫分講分

宋分絳分

蒸弟三

蒸

古無

徑分

首轉入職古不同用

東分庚分

侵弟四

侵

寢

沁

入在緝古不同用

覃分鹽分咸分感分儉分賺分勘分豔分陷分

東分

送分

鹽弟五

鹽

儉分

豔

入在緝古不同用

覃分咸分

賺分感分

陽弟六

養

漾

古無

庚分

梗分

敬分

青弟七

迥

敬

古無

庚分

梗分

徑分

真弟八

軫

震

古無

先分

銑分

文弟九

文

吻

問

古無

元分眞分先分銑分軫分
震分願分

元弟十

元

阮

願

古無

寒并刪并先分旱并潛并銑分翰并諫并霰分

支弟十一

支

紙

寘

入在錫古用異部

齊分佳分

薺分蟹分

霽分卦分

錫弟十一

錫支之大古同用異部

陌分

歌弟十三

歌

哥

箇

無

支分
麻分

紙分

真分

灰弟十四

灰

賄

寘

支分
尤分

紙分
蟹分
有分
卦分
宥分

入在職古同用

職弟十五

職
灰之入古同用異部

屋分
陌分

蕭弟十六

蕭

篠

嘯

入在屋古同用

肴分
豪分
尤分
巧分
皓分

效分
號分

屋弟十七

屋蕭恩同入古用異部

肴弟十八

沃井覺并藥分

肴

巧

效

入在藥古用異部

豪

分蕭分

篠

分皓分

號

分嘯分

藥弟十九

藥肴之入古用異部

沃分覺分

魚弟二十

魚

語

御

入在陌古用異部

虞分

虞分馬分

遇分碼分

陌第二十一

陌魚之入古同用異部

藥分

思第二十二

尤

有

宥

入與蕭同佳屋高用異部

虞分

虞分

遇分

微第二十三

微

尾

毒聲葉高聲翼用入聲在未古同聲異用

齊并佳分 灰分 薺紙分 蟹分 賄分

未部二十四

禾 物

霽分卦泰并隊月并曷并

質第二十五

質 古獨用

黠 并屑 并

緝第二十六

緝 古獨用

合 并葉 并洽 并

右韻目二十六部平類十八上類十六去類十八

入類八共六十類古平上去入通轉則十八部不

合其音無以知古今之轉變不分其類無以審古

韻之量界

潮按今所爲表出去入八類別居以毛詩審定其
分合之限列表仍退居本位者以此類古韻雖自
成一隊而其音則不能無所繫屬每部空平上去
之位則可以今音推尋其統系庶幾合於古而亦
不戾於今乎

詩聲衍表

冬弟一

無上聲入聲轉侵
入緝古不同用

東弟二

無入聲轉蕭思
入屋古不同用

蒸弟三

無上聲入聲轉灰
入職古不同用

侵弟四

入聲在緝古不同
用江孔莊張說同

鹽弟五

入聲在緝
古不同用

陽弟六

無入聲

青弟七

無入聲

眞弟八

無入聲段云入聲
在質古不同用

文弟九

無入聲轉微入
未古不同用

元弟十

無入聲轉微入
未古不同用

支弟十一 入聲在錫
古同用

錫弟十二 支之
入

歌弟十三 無入聲

灰弟十四 入聲在職
古同用

職弟十五 灰之
入

蕭弟十六 入聲在屋
古同用

屋弟十七 蕭魚同
古獨用

肴弟十八 入聲在藥
古同用

藥弟十九 肴之
入

魚弟二十 入聲在陌
古同用

陌弟二十一 魚之
入

愚弟二十二

入聲與蕭同在屋古同用

微弟二十三

入聲去聲在末莊云古不同用

未弟二十四

莊云古獨用

質弟二十五

王觀察云古獨用孔莊并入未部段合真部皆誤

緝弟二十六

侵鹽同入江孔皆云古獨用

先生成詩聲衍二十八卷書未竟而歿其長君承寬以賻布之餘棄先生遺書乃句先生好友龔君璉人魏君默深以此書轉屬潮爲臆理成冊湖於六書音均之學本膚淺而二君委之彊不獲辭爰竭旬日力爲編定條例一卷坵載文集其中其韻表一卷長編二十六卷先生長君以卷帙稍繁力不能給姑藏之以

侯異曰恐成非一手遂有抵牾并取韻表合長編
攷閱半月鈔成韻表一卷還諸其家繁複者雜之闕
漏者補之爲期旣促繆誤必多凡鄙見與先生異同
者並以補注及潮按爲之區別蓋不敢以讒陋之言
愚先生云爾泰興後學陳潮跋

劉禮部集卷八

天官書經星補攷

史記天官書云昔之傳天數者殷商巫咸在齊甘公魏石申故索隱謂天官書多用石氏星經班固天文志兼用甘氏石氏鄭康成注周禮後漢書郎顛傳皆引其文而漢藝文志不載今其文具見開元占經又引黃帝五星占及巫咸星經與甘石而四所載恒星名數多出天官書天文志之外其同者亦時有參差出入故取史記本文與數家較其離合補其闕畧存古法焉

中官天極星其一明者太一常居也旁三星三公或曰

子屬

隋志曰北極紐星天之樞也第一太子也第二帝王也第三庶子也按第四益亦庶子今名后宮

後旬四星末大星正如餘三星后宮之屬也

後旬開元占經引作

鉤陳石氏中官占曰北極五星鉤陳六星皆在紫微

宮中廿氏有四輔四星抱北極樞孫觀察據索隱謂卽

此今按四輔四星相等其說非也天官所說卽石氏鉤

陳六星末大星正合圖象天官書多表其大者豈舍鉤

陳反取四輔邪甘氏有天皇大帝一星在鉤陳中央丞

咸有女御四星在句陳星後北甘氏有華蓋七星在九

星在大帝上今在少丞上丞之間六甲六星在華蓋杠

旁柱下史一星在北極東北今在少弼南女史一星在

柱下北今在西北尚書五星在紫宮內東南環之匡衛

維天府六星在紫宮外東北維今在柱下東

十二星曰藩臣皆曰紫宮石氏云宮垣十五星西蕃七

樞上宰少宰上弼少弼上衛少衛少弼百曰右樞少尉

上輔少輔上衛少衛上丞左樞後一星失名疑當名上

尉前列直斗口三星隨北端兌若見若不曰陰德或曰

天一正歌引星經曰陰德二星在紫微宮內尚書西又

一星南與紫宮左三星曰天槍右五星曰天棓石氏云

今圖象合

星在斗杓東天棊五星在後六星絕漢抵營室曰閣道

女林東北今天棊止一星漢書引作十七星六字蓋唐人朱墨校本故占經又誤

作六十七也石氏云在王良旁而抵紫宮垣石氏有附

路一星在閣道南旁今在王良東北斗七星所謂璇璣玉衡以齊七政

杓攜龍角衡殷南斗魁枕參首用昏建者杓杓自華以

西南夜半建者衡衡殷中州河濟之間平旦建者魁魁

海岱以東北也斗爲帝車運于中央臨制四鄉分陰陽

建四時均五行移節度定諸紀皆繫于斗春秋運斗樞云斗第一

樞第二旋弟三璇弟四權弟五玉衡弟六開陽弟七搖

光弟一至四爲魁五至七爲杓合而爲斗占經引洛書

說亦同龍角角也參在魁北甘氏有三公三星在斗魁

杓南石氏有相一星在斗南今相三星在玉衡西斗魁

戴匡六星曰文昌宮一曰上將二曰次將三曰貴相四

曰司命五曰司中六曰司祿甘氏有內階六星在文昌北今近上將今有三師三

星在內

在斗魁中貴人之牢

甘氏中官占云天理四星在北斗魁口中

下

六星兩兩相比者名曰三能三能色齊君臣和不齊爲

乖戾

三能由帝車下通西南抵太微巫咸有太尊一星

今可見唯四星太陽守一星在相西南今在太尊東南

甘氏有內平四星在中台南今在其西北巫咸有虎賁

一星在下台南今輔星明近輔臣親疆斥小疏弱

北今近開陽杓端有兩星一內爲矛招搖一外爲盾天

鋒黃帝占有梗河三星石氏云天矛也又有

五星屬杓曰賤人之牢其牢中星實則凶多虛則開出

石氏云貫索九星在七公前是也又有七公七星在

招搖東天紀九星在貫索東女牀三星在天紀北

一槍倍矛盾動搖肉大兵起

東宮蒼龍房心心爲明堂大星天王前後星子屬不欲

直直則天王失計

石氏云房四星心三星按心

房爲天

府曰天駟其陰右驂

北弟一星爲右駟則次爲右服次左服次左駟也石氏云兩服之間

是中道今中道在右駟服之間

旁有兩星曰矜

石氏云鈞矜北一星曰

牽

巫咸曰健閉一星在房東北罰三星在東咸西南北列石氏有東咸四星在房東北西咸四星在房北巫

咸有天幅二星在房距西甘氏有日一星在房中道前今在右驂西南

東北曲十二星曰

旗

石氏云天市垣二十二星門左星宋也次衛今曰南

海次燕次東海次徐次太山今日吳越次齊次河中

次蜀次秦次周次鄭次晉旗中四星曰天市中六星曰市樓市中星

衆者實其中虛則耗

此垣統名天市非四星也廿氏云市樓六星今可見唯二星石氏有

帝座一星在候星西候一星在帝座東宦者四星在帝座星南按周官奄人惟內小臣有上士四人蓋法此宗

正二星在帝座東南宗人四星在宗正東南宗星二星在宗正北今近屠肆東巫咸有車肆二星在天市門左

星內列肆二星在天市中西北今在斛西南石氏有

斗五星在宦者西南今斗六星在斛西甘氏有斛四星

在斗南今在斗東巫咸有帛度二星在宗星東北

房南

眾星曰騎官石氏外官古云騎官二十七星今止六星

廿氏有車騎三星在騎官南騎陣將軍一星在騎官中

東端巫咸有頓頑二星在折威東南今在車騎西南石

氏有積卒十二星在房心南今左角李右角將甘氏有

所見止二星餘為天漢所隱

星在左右角間造賢一星在平道西天大角者天王帝

門二星在左角南天田二星在右角北

廷其兩旁各有三星鼎足句之曰攝提攝提者直斗杓

所指以建時節故曰攝提格甘氏有亢池六星在亢北

周鼎三星在攝提西今在右攝提北近郎將甘氏有帝

席三星在大角北詩緯曰大角一曰帝筵春秋緯云大

角一曰帝席又云大角者天王帝筵也亢為疏廟主疾

蓋筵訛為廷廿氏遂增出帝席三星耳

其南北兩大星曰南門石氏云亢四星又云南門二星

在庫樓南今圖南門一大一小

又有馬腹二星亦一大一小蓋古用蓋天以二大者在
地半際影上可見名曰南門為中國南界故夏時四月
曰初昏南門正十月曰初昏南門始見南北列正則東
西列也自湯若望在海中測望誤會史記南北之意析
一為南門一為馬腹西人宗之名不雅馴盡興
中國黃帝以來之教學者所宜辭而闕之也
氏為天

根主疫甘氏有氏南今止一星在氏北陣車三尾為九子曰

君臣斥絕不和石氏云尾九星龜五星在尾南傳說一

宮傳說今箕為敖客曰口舌石氏云箕四星舌一星甘

氏有杵三火犯守角則有戰房心王者惡之也

南宮朱鳥權衡衡太微三光之廷衡無星以權得名太

光日月五星也法皆匡衛十二星藩臣西將東相南四

星執法中端門門左右掖門黃帝占曰西蕃四星南北

開為太陽西門門北一星為次將北間為中華西門門

北一星為次相北開為太陰西門北端一星為上相東

蕃四星南北列南端第一星爲上相北間爲太陽東門
北一星爲次相北間爲中華東門北一星爲次將
西爲右執法東爲左執法廷尉尚書之象兩執法之間
太微天廷端門也右執法西間爲門內六星諸侯
右掖門左執法東間爲左掖門
五諸侯五星在九卿西九卿內座三星在三公北三公
內座三星在謁者東北謁者一星在左執法北今無五
諸侯五星而有六星三公三相比蓋天官
名爲諸侯甘氏指爲三公九卿者也其內五星五帝
座甘氏有太子一星在帝座北從官一星在太子西北
幸臣一星在帝座東北隋志有內屏四星在端門內
近右執法按晉志隋志俱本
巫咸甘石校占總者脫也後聚一十五星蔚然曰郎
位旁一大星將位也隋志云郎將一星在郎位北常陳
七星在帝座北今常陳三星在郎
北位
月五星順入軌道司其出所守天子所誅也其逆入
若不軌道以所犯命之中坐成形皆羣下從謀也金火
尤甚 廷藩西有隋星五曰少微士大夫石氏云少微
四星在太微

西南北列巫咸有長垣四星在少微西南北列廿氏有明堂三星在太微西南角外靈臺三星在明堂西權

軒轅軒轅黃龍體前大星女主象旁小星御者後宮屬

月五星守犯者如衡占石氏云軒轅十七星在七星北今有御女一星在軒轅南第一

星東井爲水事石氏曰東井八星在東井北四瀆四星東井南天鐔三星在東井西北角廿

井南其西曲星曰鉞石氏曰鉞一星在鉞前座旗九星鉞有司怪四星在鉞前座旗九星

在司怪鉞北北河南南河石氏云南河北河六星今名東北鉞北北河南南河二星石氏有五諸侯五星在

東井北近北河水位四星在東井東南北列兩河天闕今近南河北廿氏有關邸二星在南河南

間爲闕梁亦志光道也石氏有天輿鬼鬼祠事中白者闕星當兩河間見西官

爲質鬼祠事當爲主祠事石氏云輿鬼五星中央星質尸氣廿氏有雉四星在軒轅尾南今近鬼北

火守南北河兵起穀不登故德成衡觀成潢傷成鉞禍

成井誅成質柳爲鳥注主木草石氏云柳八星在柳南有外廚六星在柳南

天記一星在外廚南今在天狗東酒
旗三星在軒轅右角南案當屬柳北
七星頸爲員官主

急事

巫咸有天相三星在七
星大星北今在張北

張素爲廚主觴客

石氏曰
張六星

翼爲羽翮主遠客

石氏曰翼
二十二星

軫爲車主風其旁有一小

星曰長沙星星不欲明明與四星等若五星入軫星中

兵大起

石氏云軫四星長沙一星轄二星今右轄一星
在西南角左轄一星在東北角甘氏有青邱七

星在軫東南今軫南眾星曰天庫樓庫有五車車星角

若益眾及不具無處車馬

石氏云庫樓十星五柱十五
星衛四星凡二十九星平星

二星在庫樓北巫咸有陽門二
星在庫樓東北今俱在角南

西官咸池曰天五潢五潢五帝車舍火入旱金兵水水

中有三柱柱不具兵起

甘氏云天潢五星在五車中石
氏云五車五星三柱九星凡十

四星在畢東北天關一星在五車南甘氏有諸王六星
在五車南入穀八星在五車北今近少衛彌石四星在

五車西今近天街案廿氏別有
威池三星在天潢西北誤也
奎曰封豕爲溝瀆石氏云奎

十六星廿氏有外屏七星在奎南天淵七星在外屏南
今天淵止四星跨天倉西角石氏有土司空一星在奎

南隋志在婁爲聚眾石氏云婁三星廿氏有左更五星

天將軍十一星在婁北廿氏有胃爲天倉石氏云胃三星

軍南門一星在天將軍西南有
在婁南廿氏有鉄鎖其南眾星曰詹積石氏有天因十

五星在天倉西南
廩四星在昴南廿氏有天庾三星在天倉東南石氏有

大陵入星在昴北天船九星在大陵北河中廿氏有積

水一星在天缸中積昴曰旄頭胡星也爲白衣會石氏

尸一星在大陵中
七星卷舌六星在昴北廿氏有天譟一星在昴西偏畢曰罕車

卷石中月一星在昴東天河一星在昴西偏畢曰罕車
爲邊兵主弋獵其大星旁小星爲附耳附耳搖動有讒

亂臣在側石氏云畢入星附耳一星廿氏有天街人星

口九星在天節下今止五星爲環
在九存西天陰五星在畢柄西
昴畢間爲天街其陰

陰國陽陽國

甘氏云天街二星在昴畢間近月東石氏有天苑十六星在昴畢南甘氏有天園十

三星在天苑南

參爲白虎三星直者是爲衡石下有三星兌曰

罰爲斬艾事其外四星左右扇股也

石氏云參十星玉井四星在參左足

屏二星在玉井南軍市十三星在參東南今止五星爲環近狼西南野鷄一星在軍市中甘氏有軍井四星在

屏東小三星隅置曰觜觶爲虎首主葆旅事其南有

四星曰天厠厠下一星曰天矢矢黃則吉青白黑凶

石氏云厠一星在屏東天矢一星在厠前其西有句曲九星三處羅一曰天旗

二曰天苑三曰九旂

石氏云參旗九星在參西一名天弓天苑卽石氏屬昴畢南者也甘氏云九旂九星在玉井西其東有大星曰狼狼角變色

南天高四星在參旗西

多盜賊下有四星曰弧直狼

石氏云弧九星在狼東南甘氏有天狗七星在狼東

北天社六星在弧南狼比地有大星曰南極老人老人見治安不

見兵起常以秋分時候之于南郊

石氏云老人星在張南晉志云秋分之旦

見于丙春分之夕没于丁甘氏有丈人二星在軍市西南子二星在丈人東孫二星在子星東

附耳入

畢中兵起

句當在前附耳下

北官元武虛危危爲蓋屋

石氏云危三星墳墓四星今三星在危南甘氏有蓋屋二

星在危南今止一星巫咸有虛梁四星在危南石氏有敗曰四星在虛危南

虛爲哭泣之事

石氏云虛二星甘氏有哭二星在虛南泣二星在哭星東巫咸有天壘城十三星如貫索狀在哭泣南今缺其

半止五星在虛南

其南有眾星曰羽林天軍軍西爲壘

隋志壘壁陳十

二星在羽林北疑卽巫咸所謂天壘城也隋志羽林四十五星在室南

或曰鉞

巫咸有鉞鉞三星今

在壘壁陳東南

旁有一大星爲北落北落若微亡軍星動角益

希及五星犯北落入軍軍起火金水尤甚火軍憂水患

木土軍吉

隋志北落司門一星在羽林南巫咸有天錢一星在北落南天錢一星在北落西北

東六星兩兩相比者曰司空

甘氏云司空二星在虛北
司落二星在司命北司危

二星在司落北司非二星
在司危北今俱在虛危間

營室爲寢廟曰離宮閣道

云營室二星離宮六星今兩兩相比夾室甘氏有土公
吏二星在室西南石氏有騰蛇二十二星在室北閣道

已見中漢中四星曰天駟旁一星曰王良王良策馬車

騎滿野 石氏云王良五星在奎北居河中甘氏有策一
星在王良前傳舍九星在華蓋上近河旁造父

五星在傳舍南河中巫
咸有鈎九星在造父北旁有八星絕漢曰天潢 石氏云
天津九

星在須女北河中甘氏有車府七星在天津東近河旁
人星五星在車府東南巫咸有送仲四星在天津北

天潢旁江星江星動人涉水 石氏云天潢四星在尾
北魚一星在尾後河中杵

白四星在危南 甘氏云內杵三星在入星旁曰四星近
人星東南今在危北近八星東北杵唯

一匏瓜有青黑星守之魚鹽貴 石氏云匏瓜五星在離
珠北甘氏有取瓜五星

在匏東壁闕石氏云東壁二星甘氏有土公二星在東
壁南天廐十星在東壁北近王良今止三星

霹靂五星在上公西南

南斗爲廟

石氏云南斗六星

雲雨四星在霹靂南

成有天鑰八星

在南

斗南杓第二星西

甘氏有狗二星在南斗魁前

星在建星東南

天錫二星在狗國北

在南斗南巫咸

有天淵二星在狗國北

十星在鼈東南

九坎開其北建星建星者旗也

星在南斗北天弁

牽牛爲犧牲

九星在建星北

有羅堰三星在牛東

氏有九坎九星

在牛南今止四星

秦代晉韓魏楚燕

十六星在九坎東北

東今在

其北河鼓河鼓大星

九坎北

上將左右左右將

星旗九星

在牽牛北

天桴四星

在河鼓左

東北左旗

右

旗各七星

婺女其北織女織女天女名也

女三星

在天紀東

臺東隋志

天棊東有扶筐按扶筐六星在天棊北

向其足常向扶筐

按扶筐六星在天棊北

織女戴扶筐

鼓也

附占經所引甘氏歲星經

天官書歲星在寅以下索隱云出石氏星經而開元占經又載甘氏歲星九百餘言與周官鄭注所稱歲星右行于天爲陽太歲左行于地爲陰語合古人或以歲星紀歲宜甘公于五星外別爲是經與天文志用其文往往譌舛今錄于左

歲星處一國是司歲十二名攝提格之歲攝提在寅歲星在丑以正月與建斗牽牛婺女晨出于東方爲日十二月夕入于西方其名曰監德其狀蒼蒼若有光其國有德乃熟黍稷其國無德甲兵惻惻其失次將有天應見於輿鬼其歲旱水而晚旱單闕之歲攝提在卯歲星

在子以二月與嫫女虛危晨出夕入其狀甚大有光若
有小赤星附于其側是謂同盟兩國或昌或亾或者不
在其鄉其失次見于張其名曰降入周王受其殃國斯
反覆甲兵惻惻其歲大水執徐之歲攝提在辰歲星在
亥與營室東壁晨出夕入其名爲搏穀其國有德必數
其狀其失次見于軫其名曰膏章其國不利治兵將有
大喪其歲旱而晚水大荒落之歲攝提在巳歲星在
戌與奎婁胃晨出夕入伏其名曰路障其狀熊赤色
有光其國有兵其君增地其失次見于亢其名曰清明
其下出敗或主是歲不可西北征利東南無軍有亂民
將有兵作于其旁執殺其主敦牂之歲攝提在午歲星

在酉與畢昴晨出夕入其名曰啟明其狀熊熊若有光
天下偃兵唯利立王不利治兵其失次見于房其名曰
不祥孽及殷王禍及四鄉其歲早早晚水協洽之歲攝
提在未歲星在申與觜鱗參伐晨出夕入其名曰張列
其狀昭昭若有光其色若赤無有他祥惟利行兵征于
四方仇人不敢治民其失次見于箕其名曰不疑小民
有子持頭相期涪灘之歲攝提在申歲星在未與東井
輿鬼晨出夕入其名曰大音其狀昭昭白色有光有國
其亾亦不在其鄉其失次見于牽牛其名曰小章不利
治兵其國有誅必害其王歲小水雨作愕之歲攝提在
酉歲星在午與柳七星張晨出夕入其名爲長王其狀

作作有茲有國其昌書有四方享獻之祥其失次見于
虛其名曰大章有旱而昌或爲之殃必在其鄉其歲有
火有女喪民疾閹茂之歲攝提在戌歲星在巳與翼軫
晨出夕入其名爲天睢其狀白色大明其色若青國有
大疾其失次見于東壁其國士卿相謫民人各直刺無
有仇謫鬼神書壁其名曰天侈其歲有小水有女喪大
淵獻之歲攝提在亥歲星在辰與軫角亢晨出夕入其
名爲大星其色元青天下不寧有婦爲政星若躍而陰
出是謂正本利起軍旅其師必武有德將四國海內盡
服其失次見于婁其名屏營天下盡驚困敦之歲攝提
在子歲星在卯與氐房晨出夕入其名爲天泉其狀元

色甚明江池其昌不利起兵其失次見于昴其名曰赤
章其國有嚳不在其王有水而昌赤奮若之歲攝提在
丑歲星在寅與心尾箕晨出夕入其名爲天吳其狀黯
然黑色甚明侯王有慶其失次見于參其名洋有國其
虛其歲早水歲星凡十二歲而周皆三百七十日而夕
入於西方三十日復晨出于東方視其進退左右以占
其妖祥

巫咸甘石三家星讚

隋天文志云三國時吳太史令陳卓始列甘氏石氏巫
咸三家星官著于圖錄并著占贊總二百五十四官千
二百八十三星并二十八宿及輔官附坐百八十二星

總二百八十三官于五百六十五星其書久佚惟開元
占經尙引其文今輯爲三篇以意別中外官按韻次第
其有疑者區蓋不言

巫咸星讚弟一

太尊一星職此聖人 三公三星七政齊同 大理奏
事南門左阨 女御禮儀威容步趨 奚仲彌輪路軫
優綺 鉤星戒道傳路宣興 天桴應度節漏著時
虎賁西騎靜室旄頭 軍門營候豹尾威旗 長垣四
星城邑相包 列肆貨販金玉珠璣 車肆二星百賈
市區 帛度買賣與平者俱 屠肆亨殺盛饌賓娛

右中官

鍵閉目察心腹口喉 罰星受金罰贖市租 從官二

星主疾病醫 頓頑捕制察伺獄囚 天相爵服綵色

顯光 陽門戍遠劔戟盾矛 附耳著畢司街候邪

天陰羽獵附耳密謀 天錢藏府聚眾談諺 天綱武

帳宮府置衛 鉄鑕拒難斬伐奸謀 天殿置驛逐漏

馳驚 天鑰禮記稽問算疑 天淵灌溉盈滿淵區

離瑜玩飾并見舅姑 天牢六星禁保言志

右外官

石氏星讚弟二

占經次序紊亂其可據者從之餘以意分屬大約先紫宮左右前後次天市其四宮七宿本以東北西南爲次四宮以北之宿皆屬中宮今亦仿其序序之核以漢魏人用韵亦多合者其缺不具附攷于後

北極五星寢爲尊鉤陳六星配輔臣 槍楛八星備非常 女牀三星侍後宮七公七星議欲詳 閼道六星神所乘 王良五星知王賡 附路一星備敗傷 三台六星三公位其色齊明德洋溢 相在南斗集眾事 陽守在西設武備 北斗七星廩授輔輔相近臣見微意 梗河三星天矛鋒 招搖元戈主邊兵 芒角變動兵革行 貫索九星禁暴橫 天紀九星理怨訟 織女三星保神明收藏珍寶以奉王 天市二十二星爲外臣 帝座一星尊時行 候星在東施陰陽 宦者在西侍主旁 南有斗星主平量 宗正二星宗大夫 宗人四星錄親疏 宗星二星恩不殊 律令制

度遍市樓

占經作
甘氏誤

大角帝席色欲明光隆潤澤德合

同 攝提六星攜紀綱建時立節伺機祥 東咸西咸

防洪淫 天江四星主太陰其星明大水不禁東建

星六星爲斗承主國日月行失繩 天弁九星主市珍

其星明大萬物興 河鼓鼓旗建聲音設守險阻知謀

徵旗星差戾亂相凌 天桴星明軍鼓驚 離珠五星

御後宮 騰蛇之星主水蟲 天津九星通厄窮 匏

瓜五星司謀忠北 五車三柱欲均明主穀豐耗知敗

傷 天關一星道所從 天將軍十一星主武兵 大

陵八星主崩密 天舡九星濟不通 卷舌六星知讒

謗西 兩河六星知逆邪 積水一星給酒旗 積薪

一星主給庖 水位四星馮逆流 少微四星逸士位

軒轅龍體主后妃

南四

右中官

亢爲朝廷總理四海故置平星以統理 氏爲路寢所
止宿故置庫樓以捍咎 尾箕后宮妃后府故置傳說
衍子孫

右東官

角房心三宿缺亢氏二讚占
經不云石氏以文義屬之

斗主爵祿裒賢士故置建星以成輔 斗主爵祿功得
祥歲周受分和陰陽 牽牛主關梁七政始故置九坎
通水道 須女主布帛裁制之故置離珠爲藏府 須
女珍物寶所藏故主布帛奉給王 虛危主廟堂祀考

妣故置墳墓識先祖

虛危五星爲祠堂墳墓四星祠

祀事

一曰墳墓四星主悲
諒按祠祀事本誤

營室主軍糧以廩士故置

羽林省道里

一曰營室二
星主軍糧

東壁主文昌圖書府故置

壁壘以衛後

右北官

奎主軍兵禁不時故置將軍以領之 奎主庫兵秉民

刺政功以成 婁主苑牧給享祀故置天倉以養之

婁主苑牧弁犧牲搶斂蓋藏須春榮 胃宿三星主倉

廩陰收積聚知入藏 胃主廩食五穀基故置天囷以

盛之 昴主獄事典治囚故置卷舌以慎疑 昴主獄

事繫慶陰化伐所犯謀是當 畢主邊兵備夷謀故置

天弓以射之 畢爲天街主邊兵守備境界知暴橫
參伐主斬艾陰氣孽故置玉井以給尉 參伐斬艾摧
傷九州合謀自敗失 鶡鶩主葆旅收斂故置參伐以
相助

右西官

東井主水衡以平時故置鉞星斬淫奢 輿鬼視明察
奸謀故置五諸侯以刺之 輿鬼五星主視明從陰視
陽不失精 柳主上食和味滋故置天稷以祭祀 柳
主上食長養形仁以行恩成其名 七星主知衣裳蓋
身軀故置軒轅裁制之 德歸好性信有成故以衣裳
屬七星 張主賜客賓主嬉故近少微禮義時 張主

長養位盛陽人君向治統紀綱 翼主天倡以戲娛故
近太微並尊嬉 翼二十二星主天倡建旗秉節物蒲
張 軫主凶喪知凶災故設長沙以延期 軫四星主
凶喪建時立節威嚴莊春王小終季夏殃

右南宮

進賢鄉里庠序選

占經誤作甘氏

南門二星主守兵屬

積

卒十二備明堂

房南

龜星在東讚神明

漢中魚星知

雲行

尾南

杵在箕南給庖春

占經誤作甘氏箕南東一

隨爲水

蟲歸太陰

九坎九星水泉通

敗臼四星主灾凶

占經

作凶

羽林眾星主翼主

壘壁十二爲營壘

北落

司門

一星主候兵

北二

天倉六星穀所藏天苑十六主

牛羊 附耳移動讒邪行 厠星在東名自彰矢星在

南色欲黃 參旗九星不欲張 玉井四星主水漿

屏星在南爲屏風 軍市十三有無通 野鷄一星主

野邦 狼星在參東南有常芒角變動爲憂兵 弧在

東南陰謀張 老人星明主壽昌 皆屬參 稷在張南

時報功 今入 平星執法正紀綱其星差戾正 一作亂

荒 軫南

右外官 占經云石氏外官占始庫樓終稷星以二

圖象俱屬軫南稷在張南以官相次當從進

甘氏星讚弟三

天皇大帝秉萬神圖 四輔四星口北極樞 口按甘氏

華蓋張光掩翳帝軀立椽周枉垂直距趺 內座設

序順帝所居六甲中候出入有順 柱史記過密移東

廚 女史傳漏動記時口 天柱立政朔望篇書 尙

書納言夙夜咨謀 陰德遺惠周急賑撫 天牀寢舍

解息燕休 天理執平者鞠魁頭者字誤隋志次天廚後今依占經

內廚優宴房誦說虞 內階朱戶顯寵念慮隋志次文昌後此依

占 天廚盛饌百宰若疏 內平決讞請口禮書 燿

舉烽表遠期沈浮隋志耀作權古通次札內平前軒轅後內平說闕 三公九

卿讚謁諸侯 從官常陳五署列居 太子幸臣侍座

後聚 明堂顯化常盡孝慈 靈臺攷符君南密微

勢不專事命相御之隋志相次內階勢次太 樓星監

陽守今從占經 東一

市斗食齋夫 斗斛稱量尺寸分銖 周鼎酒爵二盃

缶壺 帝席設座宴旅酢酬 天田處界縣邑止邪

平道除道涂轍宣輸 進賢卿相舉逸命才 占經誤作石氏

亢池不居移徙之象 有誤 天乳甘露醴酪充飴 日詔

德令耀生飛鳥 鳥當作鳥 天幅陳駕皮軒鸞旗 北二 策執

御名騰蛇先驅 傳舍上客口口口口 車府撰御 疑與

上句合讚 人星優游乃爾寧堵 杵臼充春主給養厨

敗瓜熟爛遺種蓄菹 左旗幽谷阻險隱逃 天鷄司

巨察夜候時 扶筐采桑翊養充羞 漸臺守漏測晷

吹灰 輦道逍遙優游私行 三公宣德奉均匡衛 一作

衡占經次 道 西三 酒旗燕會情患權娛 天罇憫民憐育

幼孤 玉星督察諸侯存亡 司怪詰咎國無災殃

座以旗表別異部居 天高闕遠九層望樓 礪石砥

及百工淬治 八穀平衡聚集王都 天潢濟渡漸池

躍高 咸池陂澤賜鷄雁身 天船布罔積水候災

卷舌吐水讒主天醫 大陵表墓積尸隨居 月明刑

度光生蟾蜍 天街保塞孔途通衢 天阿察近岑蔚

西隅南四

右中官

占經次第可據者據之餘依隋志及音韻疑者以意屬之

天門待客應對無疑 折威斷獄棄諸市都 騎陳車

騎部行口口 箕主簸揚糠給犬豬東一 先農丈人執

斗與箕 狗主守門夾門伏堦 狗國鮮卑烏丸沃沮

天田本農材器犁鋤 羅堰柴壘激內注渠 危蓋

屋室柱梁侏儒 哭泣悲諒墳墓倚廬 虛梁口口官

宅室屋 四司績功桑麻襄鹿隋志作中官 八魁陷奔棧

門揭翹 雷電震音殷殷動搖 霹靂奮擊猝拽拖投

雲雨興和休祁茂孳北 屏蔽擁障安澗嗜口 天

溷伏作扞廁糞邛 左更采薪蕘圍菜茹 右更僕畜

孕重犢駒 軍門營壘禁攻禦暴以上三星廿氏入中官 天庠

積穀草茂身附疑 芻藁草服納銍總輪 天園草寶

菜茹蓄儲 天節奉使專對無疑 九州殊口重譯通

辭 九游威旗色盛兵興 軍井給水師用不竭 野

狗嚮吠雌雄咸噪 丈人拔行子孫扶持 老人天社

里落禱祠

西三

水道隄防開道激滿

四瀆受輸滌源

注海

闕邱雙塾外屏采厯

占經作外言今從之

記別少齒胎

天不屠

外廚享淪鷄羊犬豬

天廟祭祀示民不怠

君居穿冑越裳東甌

南夷蠻貊大赫青邗

器府

掌固管絃絲竹

南四

右外官

占經云甘氏外官青邗起器府止以二十八宿爲次今仿其意參用隋天文志定之

甘石星經正誣

僞本星經二卷多引隋唐郡縣文亦疎舛殘缺茲條其已甚并據史記所見星經以正其誣

巫咸女御四星在鈎陳星後北 陳卓注女御爲八十一御妻之象也 正曰鄭康成禮記注帝嚳立四妃象后妃四星其一明者爲正妃餘三小者爲次妃帝堯因爲至舜不告而娶不立正妃但三妃而已謂之三夫人離騷所歌湘夫人舜妃也夏后氏增以三三而九合十二人春秋說曰天子取十二卽夏制也以虞夏及周制差之則殷人又增以三九二十七合三十九人周人上法帝嚳立正妃又三二十七爲八十一人以增之合百

二十一人其位后也夫人也嬪也世婦也女御也五者相參以定尊卑又周官九嬪注云不列夫人于此官者夫人之於后猶三公之於王坐而論婦禮無官職世婦注云不言數者君子不苟於色有婦德者充之無則闕女御注云昏義所謂御妻按鄭云帝嘗立四妃象后妃四星本之緯文似也帝嘗首序星辰以著民者也天極者天子之燕寢鉤陳者王后之六宮也女御四星戰國時說與周禮同出者故知巫咸占讚與甘石皆出一人手戰國啟其緒漢魏人推衍之者也舜三妃者妃爲后夫人之通名離騷所歌湘君者后也湘夫人者妃也蓋堯二女釐降少女尙待年或檀弓文二妃訛作三妃皇

甫謚遂託爲三妃癸比之名不可考也鄭云舜不立后以不告而取固非夏殷亦不立后則鄭據呂覽以紂爲適微子爲庶非殷立后之証乎春秋之制天子取十二諸侯取九三代之常經周官九嬪不云九人世婦女御皆無數存其等耳昏義漢人所作後於曲禮附會春秋說王官百有二十應十二子之數鄭註九嬪又設爲九九御叙之法不思人主九女並御則九虹並見乎宋之度宗殷鑒不遠矣

甘氏天皇大帝一星在鈎陳口中 黃帝占天皇大帝名耀魄寶 正曰鄭注周官昊天上帝以爲北辰之神名耀魄寶本之緯文非也蓋戰國時人見鈎陳口中一

星無名因以天皇大帝名之不知史公所見真甘石經云太一常居者象王居燕寢隋志謂之帝星古者三王以前方推之爲帝或天道遠以帝名之亦起於周末也后之六宮天子不至故周官猶云御叙於王所也

甘氏陰德二星在尙書西 正曰史公所見真經云前列直斗口三星曰陰德或曰天一當本石氏與圖象合僞甘氏見紫宮中無名小星甚衆別飾爲尙書陰德等名數顯與天官書漢志相背當是東漢人所增

甘氏天床在紫微宮門外 正曰今天象無之且宮門外星而以天床名亦非也

石氏天牢六星在北斗魁下 正曰天官書曰在斗魁

中貴人之卑甘氏謂之天理是也王者以德爲重常思寡過措刑下車泣罪之義石氏所云今若隱若見亦無六星與書志相背漢末人僞託也其一微明者疑巫咸所云太尊者也

石氏相一星在北斗南 黃帝占曰相星天丞相也

正曰戰國所名也

甘氏勢四星在太陽守北 陳卓注勢者宦官也謂刑餘之人不可專事助宣王命而已 正曰宦官宣王命詩所謂未見君子寺人之令者也秦漢至明其禍烈矣蓋宦者四星與周官奄士四人之說同出戰國勢乃漢末人所託陳卓又失甘氏命相御之之意

天官書斗魁戴匡六星曰文昌宮一曰上將二曰次將
三曰貴相四曰司命五曰司中六曰司祿 正曰司命
司中見周官先鄭以司中爲三能司命爲文昌宮後鄭
据武陵太守星傳以爲上台司命中台司中又据星傳
以爲文昌第五第四星按周官與甘石同時比附周制
故不正言文昌又不敢言將相若星傳出漢人又在史
公所見甘石經後矣

天官書杓端有兩星一內爲矛招搖一外爲盾天鋒

石氏云梗河三星天矛也梗者遞也荷者擔也士卒更
遞擔持天矛以行也又中官占云招搖一星在梗河北
元戈一星在招搖北 黃帝占元戈招搖雌也 正曰

古以北斗爲招搖蓋中宮之最明者以配四宮七宿也
鄭注曲禮以招搖星在北斗杓端蓋摺天官書實非曲
禮義也素問天元大紀論鬼臾區曰臣積考太始天元
冊文曰九星懸朗七曜周旋王冰注上古九星懸朗五
運齊宣中古標星藏匿故計星之見者七焉案九星蓋
兼杓端兩星總名招搖王冰以爲中古標星藏匿非也
石氏旣以梗河三星當天矛又增招搖一星顯違天官
及春秋緯非其真矣元戈卽盾也名本樂緯增友人莊
綬甲問急
籍其怒義蒼云國語天事尚武故易乾爲武人乾居西
北殺方也地事尚文易坤爲文一行山河兩戒說北斗
自乾馮巽爲天綱雲漢自艮抵坤爲地維艮東
北主餘風生氣此皆古義非一行所能偽造也
石氏天紀九星在貫索東七公七星在招搖東黃帝占

七公一名天紀 正曰兩家之占皆云理訟議獄之官
蓋以貫索相近名之孰爲前後孰爲是非不可考漢建
武三年有星孛於天紀則天紀之名近古也

石氏女床三星在天紀北注女床後宮御也衆妾所居
宮也侍皇后隨從以時御見者 正曰後宮皆屬勾陳
紫宮外不宜有此山海經女床山在華陰西六百里有
鸞鳥見則天下安寧或因天紀措刑而名之亦僞也

甘氏五帝內座五星在華蓋下 正曰天官以太一常
居象王居路寢以五帝座居太微象明堂祀帝矣甘氏
旣指勾陳口中小星爲天皇大帝又設五帝內座於後
一宮之中帝者三焉不亦紊乎

甘氏華蓋七星杠九星凡十六星在大帝上 正曰此緣內座附之

甘氏六甲六星在華蓋杠旁注六甲所以納陽而紀時故在帝旁以布政授民 正曰漢志曰有六甲楊雄太元巡乘六甲與斗相逢鄭注周官馮相引樂緯曰太歲歲星常應斗建曰躔以見此所謂納陽紀時布政授民者也甘氏指五帝座傍小星當之恐不然

甘氏柱下史一星在北極東北女史一星在柱下史北注女史主傳漏者也 正曰古者后夫人有形管女史之法周官以書內令甘氏讚乃以爲傳漏則挈壺之職矣且柱史爲內外史之職亦不當相屬也

甘氏天柱五星在紫宮中近東垣 正曰甘氏以天柱當象魏而位居偏東非也今固無此星未知所指

甘氏尙書五星在紫宮門內東南維 正曰漢公卿表曰僕射秦官尙書有僕射少府秦官屬官有尙書令丞成帝建始四年初置尙書員五人有四丞又曰尙書有侍中散騎中常侍加官得入禁中諸曹受尙書事皆秦制甘氏所取也

石氏太一一星在天一星南 正曰太一常居晉志所云帝星也石氏以史公所云陰德或曰天一者復指名太一其僞顯然矣

甘氏內廚二星在紫宮西南角外天廚六星在紫宮東

北維外 正曰緣周官內饗外饗分職而指名也

巫咸大理二星在紫宮門左星內 正曰漢公卿表曰

廷尉秦官景帝中六年更名大理武帝復爲廷尉哀帝復爲大理王莽改曰作士緯以皋陶爲大理後世李氏爲皋陶之後以官爲氏者非也大理之名起於漢此蓋漢人所增矣

甘氏內階六星在文昌北 正曰此緣三能有大階之名而名之也周書作維解有內階後世謂之納陛周天子制也

甘氏內平四星在中台南注內平近職執法之官 正曰顏師古云廷平也治獄貴平故以廷尉爲號表云宣

帝地節三年初置廷尉平此亦漢人所增矣

石氏太陽守一星在相西南黃帝占曰輔臣象也所以守衛天王之宮正曰秦漢太尉之職也

巫咸太尊一星在中台北正曰隋志以爲貴戚之占蓋仍巫咸舊說今占經缺也

巫咸鉤九星如鉤狀在造父北讚曰鉤星在道傳路宜輿禮含文嘉曰王者賜命諸侯皆如其德則陰陽和風雨時其九星爲鉤曲直正曰詩云王錫韓侯鉤膺鏤錫周官巾車玉路錫鄭注謂馬面當盧刻金爲之金路鉤註謂金路無錫有鉤鉤婁領之鉤也按金路以封同姓玉路以祀然則王錫韓侯以金路明矣曰錫曰鉤互

文見義注謂無錫有鉤非也箋又以鉤爲樊纓亦失之此以形象又近造父而名之也

石氏附路一星在閣道南旁注附路以通道若閣道道壤當從附路道 正曰緣閣道附之

甘氏三公三星在北斗柄南 巫咸三公在北斗魁第一星西 正曰黃帝占皆同晉隋志兩采之非也且三公之職太微候之三能候之匡衛皆候之何其辭多枝

葉耶

甘氏日一星在房中道前月一星在昴東注女主大臣之象也 正曰此緣房中道及昴鼎間天街爲光道所經而指微星以名之也三代之禮春朝朝日秋莫夕月

說文車爲開門車爲閉門皆甘氏所取義也

巫咸天輻二星在房距西注率乘輿之官也 正曰此

緣房爲天駟而名之疑卽史公所云旁有兩星曰矜者也且名託巫咸讚託甘氏此一手所爲之證

天官書房北一星曰牽 巫咸曰鍵閉一星在房東北

注鍵閉主籥關門之官 正曰張守節正義引星經曰

鍵閉掌關籥也按說文牽車軸耑鍵也詩車牽釋文車軸頭金也正義牽無事則脫行乃設之蓋古者軸與輪亦不相屬駕則以軸貫輪關之者牽也然則牽亦以天駟得名而非鍵閉管籥之謂矣

天官書東北曲十二星曰旗旗中四星曰天市中六星

曰市樓市中星衆者實其虛則耗石氏天市垣二十二
星主四方邊國 正曰太微象前朝天市象後市史公
所云十二星四星六星約可指數張衡渾義以爲天市
垣二十二星石氏又立晉趙韓魏巴蜀等國名占以象
天子巡守諸侯朝於方岳之義石氏復有斗五星甘氏
有斛四星論語讖云天斛星主
星則讖亦起哀平間巫咸復有有列肆三星
車肆布帛屠肆各二星亦象同律度量衡之義皆在史
公後非其真也

石氏宦者四星在帝座西南常侍黃門左右小臣侍從
之官郝萌曰宦者刑人也有刑人於市 正曰周官奄
人隓內小臣職有上士四人故知皆出戰國特變宦言

奄耳郤解爲刑人於市亦非也

巫咸罰三星在東咸西讚曰罰星受金罰贖市租 正

曰周官屛人掌斂市罰布與此合也

天官書左角李右角將石氏曰左角爲天田右角爲天

庭

索隱作門

甘氏天田二星在右角北天門二星在左角南

正曰占經云角二星天關也其間天門也其內天庭也故黃道經其中日月五星之所行也按角爲蒼龍之首總領四官又爲光道所經又於十二支屬辰故有天門之名僞甘氏增出天門天田皆非也

石氏宗正二星在帝座東南宗人四星在宗正東南宗星二星在宗人北 正曰漢書百官公卿表宗正秦官

應劭曰周成王時彤伯入爲宗正師古曰彤伯爲宗伯不謂之宗正按周官有都宗人家宗人掌都家祭祀不主宗族也

石氏積卒十二星在房心南積卒一名衛士黃帝占積卒主守衛明堂 正曰緣心爲明堂附會之今積卒止二星未知石氏所指名者

甘氏騎陳將軍一星在騎官中東端車騎三星在騎官南 正曰左傳正義引劉炫云左師展欲共公單騎而歸此騎馬之漸古者服牛乘馬以駕車不單騎也曲禮前有車騎漢世書耳經典無騎字按天官書房南衆星曰騎官蓋本石氏約指之僞甘氏增出騎陳將軍車

騎非也

巫咸從官二星在房南讀曰從官二星主疾病醫
正曰逸周書王會篇云阼階之南爲諸侯之有疾病者之
醫藥所居蓋巫咸亦以天市爲巡守之垣心爲明堂故
附會如此然王會亦漢人僞造因武帝以尙書爲樸學
也

天官書大角者天王帝廷甘氏帝席三星在大角北

正曰詩緯曰大角一曰帝筵成統理春秋緯曰大角爲
帝席以布神厚德又曰大角者天王帝筵也按史公所
見石氏經疑本作天王帝筵筵訛爲廷僞石氏遂增設
帝席三星誤也

甘氏周鼎三星在攝提西 正曰此緣天官書有大角
兩旁各三星鼎足勾之曰攝提之文而附會也不知星
象自帝嚳帝堯序以著衆三代天官未敢增改偽巫咸
甘氏必欲取無名小星強以人事定之致多野鄙之名
矣

甘氏平道二星在左右角間 正曰此緣光道所經而
指名又甘氏進賢一星在平道西 正曰此亦緣日爲
君象王政首在進賢而指名也

甘氏亢池六星在亢北注亢舟船也池水也亢池猶度
水也 正曰古以亢象鳥隴甘氏讀若杭又以爲象舟
船遂增出亢池非也

甘氏折威七星在亢南注折威獄卒也 正曰獄卒則宜近天理貫索爲合今無折威未知所指矣

巫咸頓頑二星在折威東南注頓頑亦獄官也 正曰

駁義同上今庫樓旁有頓頑二小星未知卽巫咸所指否也

甘氏天乳一星在氏北 正曰義無所取名不雅馴史

公所刪此類是也

甘氏陳車三星在氏南注陳車猶革車也 正曰史公

以亢主疾氏主疫此甘石氏舊說僞甘氏以爲氏主徭

役星明則民無出門之徭馬無汗勞蓋誤以疫爲役遂

增陳車三星耳石氏讚古經不著以意定之以氏爲路寢海圖又

爲后妃之貴府出入露寢之宿蓋路訛露路寢亦非后妃府又緣僞石氏以尾箕爲后妃宮府而誤

石氏尾一名后族一名天厠一名天狗一名天司空一名天鷄第一星嫡妃也第三星夫人也次五星嬪妾也又曰尾者後宮之場也后妃之府也上第一星后也第三星旁一星相去一寸名神宮解衣之內室說虞之堂一曰天矢一曰天九江又曰尾者邊臣也一曰通溜宮尾市也天復船也 正曰史公以尾主君臣蓋石氏本義僞石氏增設數名或因尾宿半在漢中取人主溺於女猶溺於淵之義而爲史公所刪也

石氏龜五星在尾南又曰常居漢中吉 正曰緣在東

北維近北官元武又近漢中而指名也

石氏傳說一星在尾後又曰傳說不明天下多禱祠黃帝占云傳說主後宮祈神明保子孫文章祝說以求福慶春秋元命包云傳說主祝章巫官也注章請號之言也傳說蓋女巫也主王后之內祭祀以祈子孫邠萌云傳說星光明王命興輔佐出 正曰傳說蓋戰國時本名以尾爲后宮而比附周官女祝女巫之義莊子大宗師篇曰傳說得之以相武丁乘東維騎箕尾而比於列星因南華之寓言改周官之舊義又自邠萌始矣

石氏魚一星在尾後河中春秋元命包曰魚星主雲旗統陰事調和雲雨之期 正曰石氏以河中一星名也

緯以爲統陰事蓋周官內小臣掌王之陰事陰令義也

石氏又曰箕尾主後宮妃后府故置傳說衍子孫

疑讚語占

經讚字訛爲又字

正曰天官箕爲敖客曰口舌石氏曰一日

天司空爲寓客蓋敖讀如遊遨之遨此石氏本義也以爲后宮者僞也

甘氏糠一星在箕舌前 正曰此緣詩小東有不可以

簸揚之句而附會也

石氏杵三星在箕南 正曰占經第六十八石氏有杵

三星第六十九甘氏有內杵三星一在箕南一在人星

旁非一星甘氏蓋亦占箕南杵故爲內杵隋志作內杵

誤晉志闕接此杵亦緣箕星附會也在危南

當作北

者當

是石氏舊本故史公采之

甘氏謁者一星在左執涖北注主讚謁之官也三公內座三星在內謁者東北注朝會宴私之所也九卿內座三星在三公北內五諸侯五星在九卿西 正曰天官書曰門內六星諸侯卽僞甘氏所指爲三公九卿者也復出五諸侯則今所無非亡隱也漢百官公卿表郎中令秦官掌宮殿掖門戶屬官有大夫郎謁者皆秦官也甘氏太子一星在帝座北幸臣一星在帝座東北 正曰太微象明堂蔡邕以爲太學同地異名甘氏緣世子齒學之義而增飾也幸臣上應列宿異哉所聞甘氏從官一星在太子西北注從官侍衛之臣也讚曰

從官常陳五署列居隋志有常陳七星蓋本甘氏占經
誤脫也 正曰天官書郎位將位卽侍衛之臣也從官
常陳則增飾也

甘氏明堂三星太微西南角外靈臺三星在明堂西
正曰甘氏蓋以太微爲辟雍天子視學之象故增飾明
堂靈臺之名也

石氏讚曰少微四星逸士位文曜鈞曰少微士大夫位
也一名處士占經云韓揚天官圖簿少微四星第一處
士第二博士第三議士第四大夫也 正曰百官公卿
表博士秦官諫議大夫蓋漢所置於周官爲師氏保氏
之屬居虎門之左司王朝者又石氏曰軒轅星合爲百

二十妃大小相次后宮多子孫又曰軒轅一名昏昌宮而龍蛇形凡十七星南端明者女主也母也北六尺一星夫人也屏也上將也北六尺一星次夫人也妃也次將也北六尺一星次妃也其次皆次妃也女主南三尺星不明者女御也御西南尺所一星大民也太后宗也御東南尺所一星少民也皇后宗也巫咸曰軒轅天子后妃之庭禮緯含文嘉曰諸舅有儀則軒轅東南角大張 正曰詩云說於農郊翟第以朝禮夫人以下有歸宗之義鵲巢云百兩將之謂留車反馬也說於農郊自近郊說駕更乘厭翟入朝也王后無出道自父母家卽乘重翟入朝軒轅近太微名義蓋出於此黃龍體十七

星象備姪娣詩所謂百兩成之也石氏以爲百二十妃
辨見女御又云太后宗皇后宗本含文嘉義然春秋說
天子臣王舅不臣后父則亦有別且父兄無送女之禮
甘氏燿四星在軒轅之西注烽火警急以火相告日行
萬里 正曰以烽火列太微軒轅間是爲不類

甘氏酒旗三星在軒轅右角元命包曰酒旗主上尊大
帝運樞陰陽滿陳列宿成德五星布恩神明和合四節
並宣祿紀齊得諸靈合權故設酒旗以侑人神 正曰
周制宗祀文王於明堂天子燕諸侯亦於明堂酒正供
酒因以名也

巫咸天和三星在七星大星北石氏曰天相天丞相也

主服采色文章 正曰周官內司服染人夏采皆統於
天官夏采蓋繪繡后宮之服而今缺也黃帝占因七
星爲朱雀心而云主衣裳帝冠被服繡之屬僞巫咸石
氏又從而附會之

巫咸長垣四星在少微西南北列 正曰此緣近太微
而附會之也

石氏五諸侯五星在東井北近北河 正曰南北河象
中外之界故含文嘉指所近星爲五諸侯示封建之義
也

石氏積水一星在北河兩星北積薪一星在積水東南
注積聚美水以給酒官之旗又云聚薪以給享祀黃帝

占曰積水一星給酒旗

石氏

積水其泉也擬於醪釀以

待賓客其星明饗燕之禮行積薪所以給庖廚

讚同

正曰

國語引周之秩官曰敵國賓至甸人積薪水師監濯石

氏蓋緣飾之

石氏水位四星在東井東南北列又曰水位星主水衡

衡平象水水淳

準

而谷流駛

本作

不壅塞也

正曰周

官有川衡漢武元鼎二年初置水衡都尉顏師古曰衡

平也主平其稅入此蓋因近東井附會之

甘氏天罇三星在東井北注天罇主盛饘粥以給貧病

也 正曰古者尊以盛酒饘粥在鼎不在尊也

甘氏司怪四星在鉞前 正曰甘氏司怪位次諸王後

讚曰詰咎蓋象王制三監漢設傳相之意

甘氏座旗九星在司怪東北 正曰左氏引叔向日朝
有著定位有表此亦緣諸王諸侯附會之

甘氏水府四星在東井南四瀆四星在東井南垣東
正曰皆緣東井爲水事附會之

甘氏闕邱二星在南河南注闕邱闕外象魏也天子謂
之闕諸侯謂之兩觀天子外屏采扆在宮門外諸侯內
屏采扆在宮門內所以別尊卑也 正曰象魏設井南
於義無取諸侯兩觀魯僭周制也

黃帝占東井天府法令也東井主水用法清平如水左
垣四星四輔也右垣四星以輔赤帝井中六星主水衡

正曰易坎爲水爲法說文荆字从刀守井古義也漢高入關之歲五星聚東井黃帝占以輔赤帝之說非漢人附益乎井鬼秦分肅殺之始熒惑犯之爲金火相革傷成鉞禍成井誅成質箸秦尙兵荆而棄德禮也天地巖疑之氣始於西南而盛於西北禮所以象賓也

甘氏外廚六星在柳南天紀一星在外廚南注天紀主知禽獸年齒不殺孕不夭幺以致繁育 正曰此緣朱鳥之名又張素爲廚主觴客而比附之也周官掌客諸侯來朝日有乘禽鄭注易困九二云二据初辰在未未上值天廚蓋指此但淮南天文訓柳入午宮鄭云在未蓋据費直周易分野分宮小異耳

石氏稷五星在七星南讀曰稷在張南時報功黃帝占
曰稷星主五穀豐耗 正曰書大傳曰主春者張昏中
可以種穀石氏蓋緣此名之

甘氏天庖十四星在張南 正曰營室爲清庖國語謂
之天庖是矣甘氏因張有觴客之象謂諸侯來朝各以
其職助祭先見於庖故附之

甘氏東甌五星在翼南注東甌東越也 正曰甘氏讚
云越裳東甌謂海人甌夷也詩以飛隼與諸侯故甘氏
因翼宿言遠人也

甘氏青邱七星在軫東南注青邱南方蠻夷之國號也
正曰此緣軫於分野屬荊州而附之

甘氏器府三十二星在軫南 正曰南宮候曰張一名

天倡又曰翼主天倡五樂八佾也

黃帝占石氏讚同意

而附之

石氏天關在五車南參西北又曰明大則王道平通

正曰此緣光道所經而命之漢志歲星居關西四尺所則石氏有之而史公所刪也

甘氏諸王六星在五車南讚曰王星督察諸侯存亡

正曰同姓封爵爲王制起於漢故知爲甘氏說并非史公所見也

甘氏八穀八星在五車北 正曰以近五車又近漢中

天船象水陸漕輓以給中都官而附之

甘氏咸池三星在天潢西北 正曰天官書曰西官咸

池曰天五潢是咸池爲西官總名與淮南天文訓合猶蒼龍朱鳥元武也僞甘氏增出咸池三星非也

石氏土司空一星在奎南入壁七度 正曰巫咸有土司空四星在軍門南占經皆引合誠圖土司空主土城注之今圖一星在天倉羽林間蓋晉隋志皆依石氏其名則緣天官奎主溝瀆甘氏壁主土功而附之

甘氏外屏七星在奎南天溷七星在屏南注天溷廁也外屏所以障天溷也 正曰此緣奎爲溝瀆有流惡之義而附之史公存天廁刪天溷其實天廁天溷俱宜刪之史公言臯唐甘石因時務論其書傳故其占驗凌雜米鹽今書蓋刪之而猶有未盡如匏瓜有青黑星守之

魚鹽貴是也

石氏天將軍十一星在婁北 正曰此緣婁爲聚衆而附之

甘氏左更五星在婁東右更五星在婁西注左更山虞之官主川澤林藪竹木菜蔬之屬也右更主牧養牛馬之官也 正曰漢百官公卿表秦爵十二級左更十三中更十四右更師古曰更言主領更卒部其役使也甘氏因有聚衆之義而附之讚所云採薪僕畜亦給軍實之意

甘氏軍南門一星在天將軍西南鉞鑕五星在天倉西南 正曰皆緣婁附之

石氏天倉六星在婁南天囷十三星在胃南天廩四星
在昴南甘氏天庾三星在天倉東南 正曰皆史公所
云胃南衆星曰廩積者也胃爲天倉蓋本與石氏別出
天倉者僞也甘氏云星積曰倉露積曰庾以意附之黃
帝占云圖曰囷方曰倉以象附之

石氏大陵八星在胃北甘氏積尸一星在大陵中 正
曰天地之道東爲動方西爲遷方南爲長養北爲收藏
故甘石以公墓屬西宮墳墓屬北官也

石氏天船九星在大陵河中甘氏積水一星在天船中
石氏卷舌六星在昴北甘氏天譏一星在卷舌中郊萌
曰積京者大陵也卷舌之口也大陵曲而北向卷舌曲

而南向相爲牝牡 正曰天船積水以河附之郟氏以
天船當卷舌誤也卷舌天譏亦在河中傳曰溺於淵猶
有爲也溺於人不可救也甘氏以昴有閉戶之象故以
卷舌名之

石氏天苑十六星在昴畢南 正曰史記正義以爲卽
天官書參西二曰天苑者也石氏以畢主弋獵故以天
苑附之

甘氏天街二星在昴畢間石氏曰天街者昴畢之間陰
陽之所分中國之境界訖以西屬外國畢以東屬中國
也又曰天街者日月五星出入之道也 正曰天街不
以星名石氏之意史公采之甘氏增二星僞也

甘氏天阿一星在昴西偏 正曰淮南天文訓曰天阿者羣神之闕也高誘注以紫宮軒轅咸池天阿爲四官孫伯昂云天阿疑卽天市今按此天阿一星蓋緣淮南之文附之僞也

甘氏芻蕘六星在天苑西天園十三星在天苑南 正曰皆以天苑附之

甘氏天節八星在畢附耳南注天節以使命靈威德於四海九州殊口九星在天節下注能曉方言之官 正曰此皆緣昴畢閒爲中外之界而增之

巫咸天陰五星在畢柄西 正曰此緣天街之陰爲陰國又畢主弋獵故讚又云天陰羽獵也

石氏玉井四星在參左足春秋緯曰玉井主軍敵石氏
讚云主水漿石氏屏星在玉井南又曰軍市十二星在
參東南注星衆軍有餘糧又云野雞一星在軍市中黃
帝占曰野雞大將也主屯營甘氏曰軍井四星在屏東
南又曰天狗七星在狼東北元命包曰天狗主守賊
正曰俱以參主斬刈精主葆旅附之申宮殺氣之始戰
國之所尚也

甘氏丈人二星在軍市西南子二星在丈人東孫二星
在子星東 正曰此緣老人附之

甘氏天社六星在弧南 正曰月令社日前後此星昏
見南方甘氏因以名之其與老人合讚者蓋古者鄉老

沒則祭於社也

甘氏天高四星在參旗西近畢 正曰石氏釋畢曰其

大星曰天高一曰邊將邦外候也甘氏別出天高非也

石氏危三星墳墓四星十七度

古九度

甘氏蓋屋二星在

危南巫咸虛梁四星在危南注虛梁園陵也甘氏哭二

星在虛南泣二星在哭星東 正曰董子曰天之行陰

氣也少取以成秋其餘以歸之冬聖人之行陰氣也少

取以立嚴其餘以歸之喪喪亦人之冬氣故人之太陰

不用於刑而用於喪天之太陰不用於物而用於空空

亦爲喪喪亦爲空其實一也按北官主喪禮義蓋如此

但史公云危爲蓋屋而甘氏別出蓋屋二星史公云虛

爲哭泣之事甘氏別出哭泣二星則僞也按危爲蓋屋象形故禮於棟外謂之危喪大記中屋履危是也說文危在高而懼也

石氏敗曰四星在虛危南 正曰天官書曰杵曰四星在危南黃帝占曰天杵曰星不具民賣其釜甑去其處此石氏曰敗曰一星不具民賣釜甑去其處蓋僞而誤也今圖依隨志杵曰四星在危北是也又依隨志圖敗曰二星在天錢南非也

甘氏司命二星在虛北司祿二星在司命北司危二星在司祿北司非二星在司危北 正曰司命司祿文昌宮星名史公蓋据石氏先後二鄭注周禮本星備星傳

皆同康成以司民爲軒轅角小異此甘氏四司蓋後起
史公所未見二鄭所不信也且史公以危東六星兩兩
相比曰司空本之真甘石危室主土木之工也張守節
反引僞經爲難何哉

甘氏八魁九星在北落東南注主張捕陷穿設機也

正曰因坎爲北方元武爲武庫埒之今無其星未知甘
氏所指

巫咸天壘城十三星如貫索狀在哭泣南又曰鈇鑽三
星在八魁西北一曰鈇鉞又曰天綱一星在北落西南
正曰俱緣羽林天軍軍西爲壘或曰鉞名也

巫咸天錢一星在北落西北 正曰此緣軍輿之用埒

之

石氏騰蛇二十二星在營室北注天蛇也主水蟲 正
曰因在漢中又以形名之

甘氏策一星在王良前 正曰孫伯胤据天官書曰王
良策馬則策非星也疑後人所加

甘氏車府七星在天津東近河旁 正曰亦疑緣王良
加之秦趙高爲中車府令漢百官公卿表太僕秦官屬
官有車府令丞也

甘氏人星五星在車府東南一曰卧星主治萬民 正
曰孫伯胤据天官書江星動人涉水漢志作以人涉水
是人涉水言其占驗非星名

甘氏扶筐七星在天津北 正曰此緣近織女女執懿
筐名之疑卽史公所云紫宮右五星天棣也今圖天棣
止一小星耳

甘氏造父五星在傳舍南河中巫咸奚仲四星如衡狀
在天津北 正曰皆因王良名之天駟形似軫王良蓋
謂王之良馭恐真石氏本非假人名命之或郵無恤善
馭人以星名稱之也且史公以漢中四星曰天駟旁一
星曰王良史公云王良策馬車騎滿野疑甘氏真經讚
語今占經又不載

甘氏雷電六星在營室西南霹靂五星在土公西南雲
雨四星在霹靂南 正曰緣室壁有避風雨之義名之

巫咸天廡十星在東壁北近王良 正曰緣王良名之

甘氏土公吏二星在營室西南一曰土公可屏殿設儲

句有誤甘氏土公二星在東壁南論語識曰土公主豫儲

正曰國語曰營室之中土功其始甘氏緣以名之本
系一星唐修晉志以來又訛爲二矣

石氏天弁九星在建星北又曰天弁九星在天市垣外

注天下市官之長也主市中列肆諸賈人在市籍者商

稅又曰天弁星主恭儉 正曰以象名之當是周官弁

師之意以近天市而云主商稅陳卓之誤也鄭注易坎

六四云建星上有弁星弁星之形又如缶

石氏鼈十四星在南斗南 正曰以在漢中名之鄭注

易中孚曰四辰在丑丑爲鼈蟹離四爻辰在丑說卦爲鼈此亦因南斗位在丑

甘氏狗二星在南斗魁前又曰狗國四星在建星東南
正曰斗位丑艮卦位在丑說卦艮爲狗也

甘氏天雞二星在狗國北合誠圖曰天雞主候時 正
曰殷正建丑以鷄鳴爲朔鷄鳴時加丑也黃帝占及石
氏皆云匏瓜一名天鷄亦以匏瓜在丑宮艮爲果瓠故
又名匏瓜也

甘氏農丈人一星在南斗南讚曰執斗與箕 正曰緣
箕斗埒之

巫咸天鑰八星在南斗南杓第二星西 正曰因南斗

爲光道黃帝占以建星爲天關海中占以斗建者陰陽終始之門故以琯鑰附之

巫咸天淵十星在鼈東南九坎閒注主灌溉之官 正曰以近漢又近天田名之

石氏九坎九星在牽牛旁 正曰黃帝占九坎主通水泉與石氏讚合亦灌溉之義也

甘氏羅堰三星在牽牛東讚曰羅堰柴壅激內注渠正曰周官稻人以瀦蓄水以防止水之義

甘氏天田九星在牽牛南 正曰天官書牽牛爲犧牲非主爲耕牛也今無天田星說者以秦廢井田而星隱非也

甘氏河鼓左旗九星在河鼓旁巫咸天桴四星在河鼓左旗端南北列 正曰俱以河鼓附之黃帝占云天桴一名奚仲益紊矣

巫咸九坎東有齊趙鄭越周秦代晉韓魏楚燕共十六星 正曰石氏以戰國名名天市匡衛巫咸又以附羽林天軍皆以意說無所受之也

巫咸離瑜三星在代東南北列注離袿衣也瑜玉飾也婦人服也石氏離珠五星在須女北注離袿衣也環佩玉珠后夫人之盛飾主進王后之衣服也 正曰巫咸讚以離瑜玩飾并見舅姑蓋以須女象已嫁之女而名之孫伯昇云離珠卽離瑜也按離毛詩爾雅皆作縞或

作禱綾也毛引禮母送女施衿結帨解之內則云婦事舅姑衿纓綦屨是其所取義注以爲王后之服失之

甘氏漸臺四星屬織女東足讚曰漸臺守漏測晷吹灰正曰甘氏義復靈臺或漸臺之名近古古者天子嫁女於諸侯使諸侯同姓者主之別爲之築宮此其義也甘氏輦道五星屬織女西足讚曰輦道道遙優游私行正曰輦道之名疑亦非僞甘氏所立象織女度漢之道詩曰曷不肅雍王姬之重是其義也天子微行起於漢季豈得上應天象哉